

四庫全書

史部

欽定四庫全書

史部

三吳水考卷十四

詳校官監察御史<sub>臣</sub>周元良

刑部郎中<sub>臣</sub>許兆椿覆勘

總校官檢討<sub>臣</sub>何思鈞

校對官主事<sub>臣</sub>李 蔡

謄錄監生<sub>臣</sub>郭洽怡

欽定四庫全書

三吳水考卷十四

明張內蘊周大韶撰

水田考

小序

夫治田者所以治水也田之所患在水旱下田患水高田患旱三吳號稱澤國卑濕乃其間亦自有高下下田患水而所以障水者在圩高田患旱而所以蓄水者在溝洫圩岝修則宣防有備而水

不能為災溝洫修則儲蓄有備而旱不能為災此  
治田之大畧乃水政中之最喫緊者也治水而不  
治田時而水潦河道雖通而一時洩瀉不及者無  
隄何以障之時而旱暵江河雖大而寫遠灌注不  
到者無溝何以蓄之水何裨焉故曰治田者所以  
治水也然其中經畫處分亦煩且勞矣自非高壘  
篤誠卓然負大人之器而又實究心細民之業者  
莫得而辨觀於近事其効可覩見矣



宋

邾亶曰古之治田者因塘浦之土以為隄岍使塘浦深  
濶而隄岍高厚塘浦深濶則水通流隄岍高厚則田  
自固且蘇州除太湖之外江之南北別無水源而古  
人使塘浦深濶若此者蓋欲取土以為隄岍隄岍高  
厚足禦湍悍之流故塘浦因而深濶水亦因之而流  
耳非專為濶其塘浦以決積水也故古者隄岍高者  
須及二丈低者亦不下一丈借令大水之年江湖之

水高於民田五七尺而隄岝尚出於塘浦之外三五尺至一丈故雖大水不能入於民田也民田既不容水則塘浦之水自高於江而江之水亦高於海不須決洩而水自湍流矣故三江常濬而水田常熟其埝阜之地亦因江水稍高得以畎引以利灌溉此古人濬三江治高低田之法也

其五論七項見水議

李結治田三議其畧曰浙西低田恃堤為固堤岝高厚則水不能入蘇湖常秀自紹興十三年以來屢被水

害議者皆歸積水不決之故第以工役浩大率皆中  
輟臣有管見治田便宜三議一曰敦本二曰協力三  
曰因時司農丞邾亶云古人治塘浦濶深者蓋欲取  
土以為堤岸若知決水而不知治田則所開濬不過  
積土於兩岸之側霖雨蕩滌復入塘浦不五七年填  
淤如舊乞詔監司守令相視諸州水田塘浦緊切去  
處發常平義倉錢米量行借貸與田主之家令就農  
隙作堰車水開濬塘浦取土修築田岸且民間築岸

所患無土今既開濬塘浦積土自多田岾既成水害  
自去此臣所謂敦本之議也結又以為百姓非不知  
築堤固田之利然而不能者或因貧富地同而出力  
不齊或因公私相吝而因循不治非協力不可百姓  
所鳩工力有限必賴官中補助官中非因饑歉難以  
募民興役非因時不可乘此農隙增令高濶方此饑  
饉俾食其力因其所利而利之秋冬水涸涇渙斷流  
車畎修築尤為省力

范成大曰今之岼塍率去水二三尺人單行猶側足其  
上坎圻斷裂纍纍如蹲羊伏兔佃戶貧下至東作時  
舉簣以備糧種其勢無餘力以及畚畝之工婦子持  
木杓探污泥補綴空缺纍塊亭亭一蹴便隕謂之作  
岼實可憐笑秋雨時至莫之障防與江湖同波農人  
轉徙而他明年或能歸業或召新租事力愈薄鹵莽  
增甚今宜於邊臨湖瀼土人所謂搭白之處增築長  
堤使高五六尺基廣七八尺以上秋冬之交潢潦乾

源手足所及土皆可取閱春夏半年至秋雨風潮土  
已堅定草茅生之可恃為安較之臨時補綴客土杌  
隉不可同年而語至於夫力則同頃共利者不殊如  
一頃之田南高而北下水必先自北入北邊有田之  
人固當悉力三邊衆戶亦合併工同作夫有田無畝  
水平入之輒復罪歲愚氓受敝沒世不悟誠可太息  
明

參政何宜水利策略 一凡修築圍畝苦於無土若圍

外河水淺狹即將外河車乾取土若外河深濶則將園內溝洫車乾取土此一舉兩得之術也一凡園內有徑塍者遇潦易於車戽以是常年有收其無徑塍者遇潦難於車戽是以常年無收宜諭令田戶凡大園有田三四百畝者須築徑塍一條五六百畝者須築徑塍二條七八百畝者如數增築一園畝田畔或土脈虛浮外水滲入晝雖車乾夜復漲滿者宜於塍畝中心開掘一槽深及外

河之底隨箐河泥填及一半俟其稍乾用杵築令  
堅實又復箐泥填滿則水無自而入矣又有圍岝  
因鰍鱖窟穴或樹根朽爛遂成漏洞者亦依前法  
築之若田中有泉水為害者可用磚灰圍砌泉口  
如井欄之狀則泉不漫散或將泉口掘作深坎用  
大缸覆之却以泥土圍築缸上而泉亦不能出矣  
一高田去河遠遠無水可救者須於田內計畝  
開塘如田一畝開塘一分有田二畝開塘二分其



三畝四畝以上宜各依數開之庶可防旱或有愚民吝惜不肯將田開塘者可以善言諭之曰爾有田二畝若將二分開塘則彼一畝八分更不憂旱年年有收是所費者小而所利者大若惜此二分之田不以開塘則彼二畝旱即無收是所惜者小而所害者大古人寧損膏腴之產而廣溝洫之制者為此故也

知府張鐸溝洫志其畧曰治水以為田也治田以防水

也治田之水有三曰築岍塍曰修堰壩曰分大圩全  
吳之地古稱澤國田多低窪所藉以防水者塍岍也塍  
岍不固則雖有沃壤亦棄之為沮洳矣古人制田之法  
率因水道以正疆界曰涇曰淩曰浜曰溝縱橫曲直有  
井田之象焉其通也以洩水其塞也以潴水使不為田  
害而已後乃破古隄以通江湖專小利而風濤之入獨  
倚於岍塍故民日益勞而增築日益繁矣范仲淹有曰  
江南圍田每方數十里內有河渠外有門閘旱則啟之

潦則閉之旱潦不及為農美利今門閘不可復矣而修築堰壩之策獨不可行耶圩田之制隨地形之廣狹水道之遠近而為之大小圩之小者岍塍易完民工易集時有浸潦則車戽之功可以朝夕計也圩之大者岍塍既廣工力不及積水經月而實粟者將化而為泥腐矣度其勢而分之使一勞而永逸事半而功倍民其有不賴乎夫岍塍譬則城郭也壩堰譬則關隘也小圩譬則三里五里也關隘固城郭堅則內有恃而寇不能入三

里之城七里之郭則小而易守綽然應敵無虞矣

梁寅論田中鑿池其畧云嘗觀之畎畝之間若十畝而費一畝以為池則九畝可以無災患百畝而費十畝以為池則九十畝可以資灌溉民非不知此也蓋以膏腴之壤人之所惜一家之田止十數畝或二三畝百畝之中孰能棄十畝之田以為衆人之利乎民知與水爭地而不能與田蓄水一遇亢旱則坐視苗槁見小利而失大利愚亦甚矣

主事張衍曰水利之職督於糧老糧老督於圩甲其農

隙每區每圩修之務必堅厚則自久遠其土取之田  
中不必取之他處其夫用之本圩不必取之他所自  
九月半起工至正月初畢工庶幾不廢農事其修圩  
之際凡官塘處所盡為修築腹內地方全不經心不  
知官塘水易車戽腹內田仍淹沒此糧里圩甲之罪  
也為今之制必曰今日之不修他日之淹沒其稅糧  
差役何從而辦如是人孰不懼而為之也其有不修  
者毋問官勢土豪呈之於官治之以罪

上海金藻曰昔人以開江置閘圍岬為第一義又以河道田園二事兼修不可偏廢此皆至當之論但惜其無先後之序失緩急之宜故後人祖之者率多以開江為急先之務而圩岬溝洫漫不之省愚以為江固當開閘固當置然圩岬溝洫終當在開江置閘之先而圩岬又當先於溝洫也以時言之水漫則溝洫難為下手故圩岬為急水涸則圩岬不消載土故溝洫為先以地言之高鄉雖水漫亦可兼舉低鄉須水涸

方可並行凶年則先其所易後其所難樂歲則小以  
成小大以成大修圩次序水漫則專增其裏土不狼  
藉水涸則兼築其外圩方堅固裏外盡栽莎草水邊  
須種茭蒲畝之兩額或栽水楊或栽籬篠白茅青茭  
皆能匝畝田圩之中須畫畧畝高大堅固與外畝同  
圩有一項者畫以一字三項者畫以二字四項畫以  
三字五項者畫以十字六項者畫以二十字七項者  
畫以三十字八項者畫以井字而溝通之蓋各畧畧

斷則戶少而力齊易集而易救但今低鄉圩岾蕩無  
根脚須得樁笆方可修築隨田若干量出多少間有  
貧乏流移須用設法補助或以其田佃於有力之家  
或以其岾責付勸罰之類惟有紕是逃亡荒棄田地  
却用長夫修理若乃震澤等湖須用石隄如高郵三  
湖可也

史鑑曰吳中之田皆居江湖之濱支流旁出皆蕩漾不  
可以名計苟不致力於隄防以捍禦之則未見其可



也成祖永樂中治水東南尚書夏忠靖公創於前通  
政使趙君繼任於後無不注意於隄防其法常於春  
初編集民夫每圩先築樣墩一座為式高廣各若干  
尺然後築隄如之其取土皆於附近之田又必督民  
以杵堅築務令牢固隄既訖工令民簞泥填灌取土  
之田必使克滿復於隄之内外增廣其基名為抵水  
蓋隄既高峻無基以培之日久必頽矣正統間尚書  
周文襄公講求二公之法而損益之由是水患漸平

民安其業近來法廢每年府雖下縣縣雖下鄉率皆以偽應之其於隄防畧不加省壞者十七八欲求水之無害難矣且戊午而至丁卯其間稔者纔二而旱者一水者七固由天災流行然亦隄防圯壞水不能禦旱不能蓄有以致之也夫水之汎濫者既築堤以障之矣而水之停積者若不竭力以車戽則何從而減之乎然民之貧乏者或無力而弗供豪橫者又恃頑而弗服以致互相推諉坐視陸沉在上之人激勸

而編集之水患初作上自長貳下至簿吏無不躬親  
看視奔走道路未嘗寧居故諺有救水如救火之言  
此言當急而不當緩也自近年設立水利官後一切  
委之然地既廣遠居東則西不知在南則北罔恤欲  
求其無誤難矣夫軍國之需所係至重合行著為令  
典凡後水潦任牧民之任者悉令分投巡視督民而  
力救之

編修王同祖治田議曰蘇州古揚州之域禹貢言其厥

土惟塗泥厥田惟下下厥賦下上錯以則壤成賦  
之法定其等差則田第九等賦第七等雜出第六等  
是田為極低下而賦之所入亦在下等也三代時逋  
為吳越楚地僻在要荒賦貢不入中國漢都關中其  
歲所轉漕數十萬皆山東之粟江淮不與焉唐天寶  
而後東南財賦始增至宋元彌盛然考之舊志宋纔  
三十餘萬石元亦不過八十萬餘石迨於國朝洪武  
初始有各科加賦之等秋糧正耗尚二百一十四萬

餘石然後屢下寬貸之詔以恤民隱永樂以來定鼎  
燕京漕運愈遠加耗洊增乃至三百餘萬石宣廟深  
憫斯民之困特下詔捐減官田重額知府况鍾又累  
疏奏減七十餘萬石吳民賴以稍甦然當時止減抄  
沒科糧三十五萬餘石而古額科糧三十六萬餘石  
猶未盡免故今秋糧正耗共三百五萬六千有奇而  
絲麥錢鈔之類不與焉夫以蘇州土地不能當天下  
百十分之一而稅糧反當天下之半地力烏有不盡

而民力烏有不困哉是則為人上者所當加意以興  
民利者也然蘇州之地連江湖澤藪大率卑下之區  
十居七八每遇積雨霖潦經旬鞠為巨浸小民極力  
車戽莫能拯救雖三江諸浦洩水之處而大水驟溢  
率難通洩重以圩岸之不堅隄防之不固遂致淹沒  
一年遇水二年饑荒流徙逃亡困窮罷敝三年之後  
尚未復也故今之言足國者必以利民為本欲利民  
者以治水為急欲治水者以治田為先而治田之要

其說有三一曰築岍塍二曰修壩堰三曰分大圩三者備而田無不治矣所謂築岍塍者大率吳中之田高者常十之二三低者常十之七八治高田之法惟在於謹隄防蓄水泉以備亢旱而已而低田之害則有未易言者故治之之法獨加詳焉低田易沒必藉岍塍以禦之岍塍不堅雖有肥田沃壤亦無所用之考之宋嘉祐間轉運使王純臣建議請令蘇常秀修作田塍位位相接以禦風濤令縣教誘殖利之戶自

作岨塋定邑吏勸課為殿最又韓正彥宰崑山復修至和塘民得因依立塋塢以免水患熙寧間郝亶上言蘇州水利以治田為先拳拳於修築堤岨以固民田其經畫議論最為周悉范文穆公水利圖所載尤確乎有據國朝永樂中東南大水命尚書夏忠靖公治之而通政使趙公繼於後皆注意於圩岨隄防焉其法常以春初編集民夫修築圩岨取土於附近之田以杵堅築務令牢固復於堤岨之內再幫子岨



以廣其基謂之抵水岨又令民人於岨上種藍不許種豆種藍則土日增而岨高種豆則土隨根去而岨日削也築岨既訖又令民簞泥填實取土之田俟土乾可復耕種不為廢地其法可謂密矣正統間巡撫侍郎周文襄公興廢修圯至今蘇之民思而血食焉弘治間主事姚文灝治水東南告諭諄諄專以修圩為急務是則古今之言治田者皆有見於此也今法廢弛隄岨日隳上恬下嬉因循苟且雖或上官督率

時有興作不過於通途大道耳目較近之所稍加新  
土補其罅隙應行故事而已何益於治田乎為今之  
計莫若使民於春和之時修前輩諸公已行之法或  
取土於田或開濬涇港因土築岨以固基本又須嚴  
其令使民必趨於功緩其期使事必要於成蓋令不  
嚴則大戶田多者憚於費煩興浮言以阻之小民無  
力者困於工役輒簡畧以應之而塘長圩甲人等又  
從而科斂誅求夤緣差放弊端百出巧計橫生圩岨

未築而民已重困矣故必嚴申禁令犯者加以重刑懲一戒百民自畏罪而赴工矣期不緩而欲速不達無益有損蓋客土雖增高堅築性未相入驟雨一傾大水率至坍塌隨之矣故必以三年為期而後可一年築基補闕水次遍栽茭蒲芰茅使能護岨自春徂冬根株連蔓土本固矣增修加土稍令高厚如法堅築經歲草生土實三年增土植楊向外使根可匝岨待其稍長歲髡其枝恐受風搖動岨善崩也誠如是

歲歲令民增土修築岨日堅固功不煩而利可久矣  
凡此之類仍須委官責成或時親閱卒至一所以驗  
精麓勤情以行賞罰則事無不舉矣所謂修壩堰者  
蓋古人制田之法率因水道以正經界曰涇曰淩曰  
浜曰塘曰浦縱橫曲直大小深淺或通或塞碁布井  
分有圩田之象焉其通也以泄水其塞也以禦水皆  
使不能為田害而已歷歲既久水道寢廢民之習於  
舟楫之便專於網罟之利者皆決其隄防以通江湖

此邨亶所謂某家浜某家涇皆破古隄而為之者也  
涇港通連水勢漫衍隄防日隳田疇日損有自来矣  
故今於圩田之外止通水道之大其諸小小涇浜之  
類非舟楫往來之道出入必由之處盡行壩堰高與  
岸等則水不亂行以壞塍岸矣若邨亶所謂秀州濱  
海之地皆有堰以蓄水而海鹽一縣有堰近百餘所  
湖州皆築堤於水中以固田此其遺法獨蘇州壞之  
耳由是觀之則隄防之壞自宋為然非特今日也范

文正公嘗論於朝曰江南園田每一園方數十里內有河渠外有門閘旱則開閘引江水之利潦則閉閘拒江水之害旱潦不及為農美利然則在當時不特有壩堰又設為門閘啟閉興利矣今圩田甚多門閘之設誰任其費但能修舉壩堰以為隄防其利亦博矣所謂分大圩者蓋東南水田皆以岝塍圍裹外通水道以時蓄洩在宋謂之圍田皆有字號名色今時相仍如曰天字圩地字圩之類故今謂之圩田然圩

田之置隨地形之廣狹因水道之遠近而為之大小  
一圩之田多或至於二三千畝少或不及百畝小圩  
之田民力易集塍岝易完或時遇水則車戽易遍水  
潦易去雖有巨浸莫能為害而大圩之田塍岝既廣  
備禦難全雨潦衝激東補西坍皆蕩然淹沒矣縱使  
修舉令民車戽積水然民居有遠近之不同民力有  
富貧之不一地形有高下之不均高者固易去而低  
窪之所水無由洩經旬浹月稻皆腐爛矣况乎貧者

力有不及遠者工或不全則大圩之田遇災而不救者十居八九為今之計莫若較田圩之大者取而分之以二三百畝為率高者因其高下者因其下督民取土裹以塍岨則田圩之形成矣或謂分圩必須開河取土因以築岨此固然矣然有田在圩者率皆自愛孰肯捐其所有以供開河築岨之費今觀大圩之內多有溝洫池漚之屬縱橫布列古人制之所以備旱潦者也宜因而濬其兩旁增築塍岨就以分圩裹



田其所不通處則但取土於田以為圩坼不必更開河道仍須令圩田之民共築泥填實取土之田庶幾無偏損也其圩內無溝洫之屬或雖有一二而不足以供分圩者則圩田中傍界坼築為徑塍或畫十字形或卅字形或卅字形井字形各隨田之多寡為率如此則取土甚便為力甚易不必開河費田而圩坼修矣夫是三者皆治田之法相因而不可偏者皆今日之急務也

華亭吳韶曰禾生於水溺之則腐蘇松水田卑下暴水  
每高於田不可無塍以障水也然一塍之間田連千  
畝業非一主不有官司督役孰先為之自正德來水  
利全廢塘長人役不復知水利為何事舊塍高六七  
尺者或與田平水無所限遇潦已不足言稍遇旱暵  
向來塍圯塌土成灘水不可到畎畝無資禾亦就萎  
飢莩盈塗率由於是又况塍坍浪洗田畝日虧不免  
以虧田糧而加之見田糧愈重而民逃又不免以逃

戶差而加之見戶賦役日繁民斯輾轉良可嘆息為  
今日計必也清其舊役倣其成規思濟旱如救焚念  
防潦如拯溺圖其久逸而無憚於一勞則厥事之濟  
為無難而輔贊乾坤化育之功有在矣民固有勞之  
而不怨者斯之謂歟滕既成保之又不可以無道湖  
田水濶而岝易摧昔人常甃以石不久復壞後因言  
者植芟蘆於岝脚以護浪梅天水發蘆已茂而浪不  
可衝也

附修圩等則

元

元至大初江浙行省督治田園畝體式以水為平為第一等高七尺五寸底濶一丈面濶五尺田高於水一尺為二等高六尺五寸底濶九尺面濶四尺五寸田高二尺為第三等高五尺五寸底濶八尺面濶四尺田高三尺為第四等高四尺五寸底濶七尺面濶三尺五寸田高四尺為第五等止添備水高三尺底濶

六尺面濶三尺若山水源落圍岾迫近諸湖去處自願增者聽

明

主事姚 五等圩岾式田低於水者底濶一丈五尺田與水平者底濶一丈四尺田高於水一尺者底濶一丈二尺田高於水二尺者底濶一丈田高於水三尺者底濶九尺面濶比底各減半高亦以水為準外面各離水八尺

吳江沈經勘荒呈

看得各都田今昔冊入湖中者有全圩俱冊有一圩半  
冊不等俱在水中中年冊年告有前勘已完而糧未豁  
有勘已明而未報有前勘未明而尚勘混亂其中所  
據各役指點某處水中原無疆界為準難以爲據况  
各糧虛實多寡止據書手底冊亦多改抹若照各詞  
勘報不無移虛作實本職蚤夜細思計有四條可以  
清查以杜後累

一曰先查黃冊以究其根照得人戶田地俱載黃冊若據冊以查其戶據戶以查其田圩字號則何圩見存何圩已坍自無隱蔽然後將其已坍分別曾勘未勘合該多少庶彼不得將未坍之田捏作已坍已勘之湖捏作未勘矣

二曰量實田以覈其數照得今昔坍湖田在水底立標水面疆界難明本職思得各戶之田有數查其黃冊既明即將見在之田丈該多少則知坍田在水多少

矣其先勘該多少則知今勘該多少矣庶數得其真  
無影捏之弊

三曰通量新漲以攤其糧照得坍湖告勘年積歲繁以  
田日坍而愈少糧日賠而愈多也虛糧非經奏請焉  
得除免竊思本縣西有坍湖東有新漲東漲之土即  
西坍之田是坍湖者新漲之原額新漲者坍湖之後  
身非有二也今坍湖之民日苦賠糧貧困愈甚新漲  
之民日享其利國課不輸利害不均莫此為甚使新



漲之田若復陞科則坍湖之賠終無了日不若就將  
新漲通行丈量驗其高低照依民田則例或一升或  
三升五升八升盡賦以補坍湖之虛稅不必上司奏  
請而後開豁誠一舉兩得其便矣

四曰修田圩以杜其壞照得太湖風浪勢如排山岸遇  
輒崩日就成浸非人所能禦也又查有等低灘形如  
驚裙風趕浪衝反不損壞因求其故站岸堅立與浪  
相抗必傾斜坡不深隨浪相迎不關為今之計不若

令有田之家各於其站立之處或石塊或瓦屑或煤鐵等灰填滿其處一如斜坡之式加之泥沙或植芟蘆楊柳等樹以殺其奔突之勢則其圍塍未必如往年崩塌之易矣

崑山知縣方豪勘荒書

豪初至昆承湖上遍詢故老咸云自鮎魚口以西皆湖故址湖去鮎魚口遠自不可信閱湖之東岸甚老而古意昆湖之故址在是也登岸瞻視見一父老問之

曰岸之西即田耶曰儂生來第見此岸岸西皆茭蕩  
非田也鄙見遂決蓋人之利于湖也始則植茭蘆以  
引沙土而享茭蘆之利久而沙土漸積乃以之為田  
而享稼穡之利故湖之東為田者舊漲也田之外為  
蕩者新漲也先度其舊漲之蕩得五千畝有奇後度  
其新漲之蕩得九千畝有奇其度新漲也孰弗詭  
然曰吾於某年報賦者也吾得之於某人且收賦者  
也豪廉其曰報賦者以他賦影射之也其曰得之於

某人且收賦者人以他賦隱射之欲其得之甘而且  
有以分其重賦也衆咸服曰某有罪實新漲未嘗賦  
也今不敢欺矣及又度舊漲也則據各區所呈之賦  
而行之得於賦外者則曰遺漏凡九百畝有奇其所  
謂已賦者未可信也關之於縣縣弗答也問之於人  
人弗知也稽之於冊冊無據也乃索其中有田者情  
由而觀之擇其賦少之戶執其賦度其田儘其他田  
若干而以其餘抵茲田則果已賦矣然亦未可信也

何者蘇州之賦有舊額准各縣而一之也常熟之賦有舊額准各區而一之也各區之賦有舊額准各圖而一之也各圖之賦有舊額准各戶而一之也今既報賦於官則圖之額當加矣圖之額加則區之額縣之額以至於郡之額皆當加矣如是而後謂之已賦也今人戶圖長以及區長皆曰已賦不知郡縣之額加乎否也郡縣之額舉無所加而曰已賦賦之誰也縱於額不加則以之補坍荒可也而一有坍與荒則

又以槩縣之賦補之此非書吏之埋沒必糧長之侵  
尅雖賦與不賦等耳然此非昆承一湖然也明公由  
一湖以及他湖由一縣以及他縣一掃而空之凡有  
所賦必以補坍與荒是於水利外興莫大之利也昆  
湖新舊之漲凡萬餘畝為仕宦所得者十之九小民  
所得者十之一若新漲者非湖之故址何以專於仕  
宦而弗遍於小民耶及今不速去之恐新漲之外復  
有漲焉而湖廢矣今茲富歲傍湖之田尚多災者凶

年可知也湖塞之害且爾湖廢可勝言耶然欲盡去之亦未易也去其太甚者耳故豪以舊漲者為無碍而以新漲者為有碍欲明公酌其緩急而為之也

主事姚文灝治田條約

一不論低田高田俱以十分為率低田以一分為隄岍高田以一分為溝池則餘九分可以永無旱潦其五等圩岍田低於水者底濶一丈五尺田與水平者底濶一丈四尺田高於水一尺者底濶一丈二尺田高

於水二尺者底濶一丈田高於水三尺者底濶九尺  
面濶比底各減半高亦以水為準外面各離水八尺  
一應修圩岝俱著排年分管若本圖原有十圩則每甲  
一圩若不及十圩則將大圩分轄之若十圩以上則  
并小圩兼管之分管既定然後立封牌為誌

一封牌以石為之長五尺濶四方各一尺五寸豎於田  
橫處所上二尺五寸四面刻字前云某字圩後云某  
縣幾都圖幾甲排年某人左云官民田若干右云糧



若干下二尺五寸培而築之

一應修圩岝該管排年量田高下照依五等岝式督率  
圩戶各就田所修築假如田頭濶五丈者即修岝五  
丈濶十丈者即修岝十丈或有貧難并逃絕人戶田  
頭及溝頭岝側衆共修築其圩心田戶若有徑塍者  
自修徑塍無徑塍者與衆同修逃戶及溝頭岝側排  
年則管修一圖圩岝塘長則管修一區圩岝各縣治  
農官則提督一縣各府治農官則提督一府若一圖

圩岍不修罪坐排年一區圩岍不修罪坐塘長等而上之一縣一府責各有歸食利業戶開濬河道照田出夫照人分步

一取土修圩衆共藺泥填補若不可補議將田那補其毀田之家有田在本圩多者亦不必補

一圩田外有等坦田往往被災而不敢作災今後俱要築為圩岍所毀田畝一體那補其低圩岍內再幫子岍一條如階級之狀

一低田有等大圩一遇雨水茫然無收該管人員務要督率圩戶於其中多作徑塍分為小圩大約頻淹去處一圩不過三百畝間淹去處一圩不過五百畝如此則人力易齊水潦易去

一邊臨湖蕩圩外須種茭蘆以禦風浪其狹河宣洩去處淤泥易生者却不許一概侵種以遏水勢

一糧塘耆老相勘本圩應開河渠幾處某渠為急某渠次之依次併工開濬工程小者今年開幾渠明年開

幾渠工程大者今年開半段明年開半段一二年之後無不通之渠矣

一開河築圩其間有工役重大非塘長者民所能獨管者選委才幹職官或本地有行止得業之人相兼管督

一高鄉田畝去水頗遠無從車灌者令田戶於田開塘蓄水備旱或滲漏不蓄水者於他處挑取黏土和石灰築岸自然蓄水

一近山高田無水車灌者令得利人戶於山塲田尾共買地開塘堰水泉源雨澤亦可備旱

一高鄉河港臨水二三丈間不許人耕種以致浮土下河止許栽種桑樹水楊

一軍衛屯田坐落應修圩內及應開河道俱照民家協同修濬不許坐視管屯官一體及時提督

一所屬七府人材淵藪豈無懷抱嘉謀可以興修水利裨益農田者有司用心推訪

一凡緊要洩水河內但係古人建造木橋宣洩快便不得輒造石橋遏束水勢

郎中林文沛治田條約

一看得吳田大約低者七分病潦高者三分病旱古人或築壩堰或置陡閘離水遠者復開溝渠今皆久廢各掌印官務督率治農管屯官及時修理湖塘疏通河道開濬河渠及一應圩岸未經修築者趁時修築各處閘壩未盡修理者隨時修理合用木石等料於

各該田畝有力之家從公勸輸或官為措置合用人  
夫於所在附近軍衛有司相兼起用仍須督役以時  
調度有法使蓄洩有備旱潦無虞以為地方經久之  
計

一每區圖選有行止者為塘長田多者為圖長圩甲俱  
聽塘長調度有等營充之人或指餽送農官科斂圖  
圩或假開河築塘賣索夫役又有市民冒充全不下  
鄉勸率協理仰各奉公興修候巡訪賞罰

一各該水利官親詣所屬嚴督各塘圖圩甲人等率得利人戶將各圩岍併力興工修築泥土就傍圩田起取工完開報查考大者准作積水漫橫亘於中兩頭用石砌作車口遇潦車救或築河泥填滿補完原田或用車港取泥或高鄉運土田多之家派出椿芭務令杵舂堅實仍禁牛馬踐踏

一軍衛屯田坐落應修圩內及應修河道俱照官民協同修濬不得坐視



一築岾先量本圩每田十畝或二十畝出夫一名數少者朋力孤貧者量免各主分段插標如宜高厚相地加增

一吳田下下使非圩岾何以備潦仰治農官遇農少隙隨即興修論田出夫分段堅築其圩大者多添徑塍分作三四圩或十字二字三字形開港內外俱窪四面開溝所取之土就便築岾廢田之稅攤派本圩

巡按直隸監察御史林治田六事

一定式樣以便稽查 吳中之田雖有荒熟貴賤之不同大都低鄉病潦高鄉病旱不出二病而已病潦者則以修築圩岝為急圩岝既各高厚雖有水溢自難潰入而淹沒之矣病旱者則以開濬溝洫為急溝洫既各深通雖旱乾自可引流而灌注之矣二者不易之論也况開渠者勢必置土於圩旁築圩者理當取土於溝內二者又自有相成之機乎今後不必差官泛然丈量該府縣止分別孰為低鄉當急修圩孰為

高鄉當急開淤每年府縣水利官先時議定開築之法如開溝洫不論舊時疏通與否其濶即以兩旁老岍為主其深務以一丈二尺為率若相地宜應加深濶者聽決不許減少前數挑起之土務要置在舊隄之內就便護隄庶使雨水不能淋漓復流於河如附近有低田堪以培高者即以其土培之亦可至於極高地方不用隄岍而土無堆放者亦即就靠內一邊攤放蓋高鄉多種豆棉一時不妨陸種挑得河深則灌

溉自利內中田畝仍自不妨於水種也若惜此尺寸之地弗令攤土沿河堆積復入河中無水灌溉則內中田畝悉成枯槁矣至於築圍畝不論舊時完固與否其底濶務要一丈其面濶務要六尺其高如底之數若應加高厚者聽決不許減少前數如田過五百畝以上者便要從中增築一畝畝一千畝以上者便要從中增築二畝畝每畝底濶四尺面濶二尺高與外圩平畝之兩傍仍可栽種豆麥如極低鄉或近

湖蕩處難於取土者就便分別令民於岍內傍圩之  
田起土增築岍外再築子岍一層高止一半如階級  
之狀岍上遍挿水楊圩外雜植茭蘆以防風浪衝擊  
取土之田計其所損量派各田出銀津貼俟後陸續  
築取河泥填平照舊耕種永無後患是所損者少而  
所益者大也若互相吝惜不分界岍即如今年靈雨  
連旬洪水一發車救不前全圩無望矣又有一等低  
窪田畝嵌坐心腹無從蓄洩有願開鑿通河運泥增

高者聽廢田之價衆戶均認廢田之稅牽攤本圩照  
此式樣給示遍諭委官分投區畫每一圩為一圖明  
白帖說前件每一圖作二本一送縣備照一付圩甲  
諭衆俟至冬十月刻日出示興工各府縣掌印官責  
令水利官不時親行驗視若不如式者即係違令  
輕則責治照式加工重則究問別議罰治如此則人  
知所遵家自為力法自不煩而事功自舉矣

一定夫役以杜騷擾 各鄉溝洫圩岸雖有長短廣狹

不齊然不過為一圩之田而設也故田少則圩必小  
田多則圩必大而環圩之溝洫因之此水利此圩之  
田則當役此圩有田之戶矣各縣即令塘長備開某  
圩週圍若干丈外環溝洫若干丈圩內之田若干畝  
某人得業若干畝共該圍圩若干丈不論官民士庶  
隨田起役各自施工如田橫濶一丈者築圩一丈橫  
濶十丈者築圩十丈開河亦然對河兩家各開其半  
溝頭岸側非一家所能辦者計畝出夫衆共協力揆

序編號置簿稽查仍備載前圖之後興工之日塘長亦不必沿門催夫徒取索求科派之議先期五日插標分段責令圩甲播告各戶某日興工聽其至期各行照段如式挑築有不依期及不如式者呈官枷治若塘長不行檢舉及攤派不公重行究治革役警衆若一溝之中兩傍各有圩田則從中分認毋得推諉違者治罪鄉宦之田須是田主出食佃戶出力計工給發仍要從厚毋累窮民



一設圩甲以齊作止 塘長之設舉一區而言之也一區之中各有數圩若不立甲何以統衆而集事也計當僉舉殷實之家充之但一時僉報諸弊俱生或圖展脫或營冒充無不至矣各縣不必僉報即以本圩田多者為之雖其殷實與否不可知其田既甲於一圩之中則其人自足以當一圩之長矣興工之日塘長責令圩長躬行倡率日出而作日入而息某日起工某日完工庶幾有所統領而無泛散不齊之弊中

有業戶不聽倡率聽其開名呈治如圩甲不行正身  
充當或至別行代頂查出枷號示衆是圩之有甲也  
專為本圩修濬而立工完即罷非如里長有勾攝之  
苦亦非如塘長有奔走之煩雖一時倡率不無勞費  
然利歸其田又非若驅之赴公家之役者等也中間  
縱有田產極多者各圩皆甲同時並舉勢若不暇不  
知田多者非富室即宦家也力厚丁多自可分投承  
應况利害切己倡率無難稍相體念有不待督促而

樂從矣

一嚴省視以責成功 訪得常年非不議行修濬而水利之官多不下鄉乃使各區塘長至縣報數或朔望遞結而已如此虛文何益實事今後興工之日各塘長圩甲務要在圩時時催督開濬功完未可復行開壩放水俱聽府縣掌印官并水利官分投親勘如一圩不完責在圩甲一區不完責在塘長輕則懲戒重則罰治本院與該道又不時間出以察之如一縣中

有十處不完責在縣官一府有二十處不完則府官  
又有不得不任其咎矣如此行之三年溝洫可深圩  
岍可固穡事既成賦稅自裕以後斷定高鄉河渠兩  
年一次開濬低鄉圍岍每年一次修築則民間田畝  
保無水潦之虞即有湮塌處所隨時修復為力固易  
為費固省當不似今日之難為功也

一禁侵截以通便利 訪得各鄉水利原自疏通近來  
豪家適己自便於上流要害廣種菱菱稍有淤墊即

謀佃為田所司不察輕付執照亦有居民貪圖小利  
竭澤而漁沿流置斷及有挑出田內泥土增廣田圩  
堆放竹排木排橫截河港甚有上鄉全賴湖水灌溉  
奸猾人戶乃於浦口下流設堰橫截百般刁難然後  
放水入內又其甚者假以報稅起科遂侵為民物渚  
水專利以致內地灌溉無資若不通行嚴禁終為水  
道之梗今後各府縣水利官責令各塘長圩甲凡有  
侵截之家即便報出姑令改正免罪至於灘田先年

曾經丈量收入會計冊內無碍水道者姑聽如舊其  
未經徵糧者盡數報官開除若故違隱漏本院查出  
或被告發害於一圩者即罰修一圩之工害於一區  
者即罰修一區之工工完另行擬罪干碍職官定行  
遵勅叅治若塘長圩甲通同漏隱事發一體究罪決  
不輕貸庶乎害去則利可興而細民無失所之嘆矣  
一議賞格以寓鼓舞 賞以勸勤罰以懲惰二者不可  
偏廢也府縣巡行阡陌稽覈工程於其不率令者固

從而責治之究戒之矣至於塘長圩甲人等率作興事如式如期若不議賞則亦無以示勸今後府縣仍要設法處置無碍銀兩分別等第如修濬如法完報獨先者為第一等則圩甲應賞銀花二枝重六錢仍給匾以旌之如完報稍後而修濬如法者為第二等圩長應賞銀花一枝重三錢不必給匾中有工程浩大修濬如法雖其報完在後仍照一等給賞若塘長有能督率如期而各圩俱完應賞銀花二枝亦給匾

以旌之若各圩未完者量行給賞此事重在開濬如  
法須府縣水利官臨期親行分別方可定擬毋致濫給  
可也凡有議賞府縣一面動支一面申報亦毋得踰  
時凡經給匾之家三年之內若有細過事犯在官仍  
許訴明姑行議谿如此庶乎人心有所懲亦有所勸  
而事功可望其畢集矣至於承委官員積有勤勞者  
聽行優獎如功績卓異自當薦舉若各縣自本院奉  
命以來先經動工修濬者各縣仍要查出除不如式



者更議加工其修濬如法者俱照前例一體給賞

巡按直隸監察御史劉准行生員張內蘊墾荒

議

一論拋荒之故有三照得荒棄田地所在有之松江為最甚者稅額太重民不能供一也地利所限有高極於亢低極於窪人力未易挽回二也水利失修旱無所資水無所禦三也三者不同而水利失修之故則十居其六七

一論民不樂墾有四頃者屢行招撫民不樂從者其故亦有四方欲施工猶恐所得不補所失一也開墾未幾賦役隨至二也僅得成效奸民認為故土三也拋荒地多係極窪極亢三年難保一熟原非中上腴田已行復熟升科輸納後設遇旱潦仍復拋荒而稅糧不可復豁四也四者不同而慮其仍復拋棄之故則亦十居其六七

一論墾荒大綱有六墾荒之道一照得熟田荒棄原起

於水利之不修茲欲轉荒為熟亦惟先修其水利而  
已旱鄉無不濬之支河則高極於亢者皆可熟也水  
鄉無不築之圩岾則低極於窪者皆可熟也墾荒雖  
非一端然必當以水利為首務墾荒之道二水利固  
急而其甚不可墾之處尤當以破格優恤為先查得  
蘇州府一州七縣額田九萬頃歲徵糧二百七十萬  
帶耗共三百五十萬淮安府兩州九縣額田十八萬  
頃歲徵糧三十六萬較農田之廣狹淮安加蘇州一

倍較糧稅之徵輸蘇州加淮安十倍是蘇州之糧額重於淮安二十倍也松江府惟兩縣歲輸稅糧一百二十萬北直隸八府一十八州一百一十七縣歲輸稅糧亦一百二十萬以一府兩縣稅額抵八府一十八州一百一十七縣稅額是田地則北直隸多於松江百倍而稅糧則松江又多於北直隸數百倍也況徭役之繁織造之費郵驛之供磚廠之價丁田里夫青夫兵餉之需歲派坐派之徵皆視稅糧而取盈焉

民何以堪之而不拋荒也哉又查得洪武二十八年戶部官節次欽奉聖旨百姓供給繁勞已有年矣山東河南人民除已入額田地照舊徵科新開荒的田地不問多少永遠不要起科有氣力的儘他種宣德六年本部官又奏北京八府供給尤多乞要比例一節欽蒙宣宗皇帝聖旨准令照例祖宗培養元氣一則曰供給有年一則曰供給尤多經今二百年餘其成憲俱在况蘇松根本重地培養宜先加以賦額極

重加派不息其供給之多且久較之山東河南北直隸萬萬懸絕尤當軫念若非比例題請竊恐割股充腹股肉日盡軀命將無所附麗也又况槩府原額田糧已從熟田包足原無升合虧欠後來復熟升科之糧畢竟盡為縣總諸人所冒國家初未嘗得其纖毫之用與其盡民之利以充此輩之私囊不若因民之力而使之自救其飢餒所謂割自己之股以飫盜賊之腹又不若保全四體以自養其壽命之源之為愈

也大抵蘇松民力已竭雖有遺利而王者之政寧失之寬大則化國之日舒且長矣墾荒之道三照得所募鄉兵坐食無聊非心易生合倣古人寓兵於農之意較其武藝列為三等上等留守汎地中下二等撥令水利武職官統領開墾俟其成熟即為屯田永業則餽餉之資漸有所賴歲派兵銀漸可減省蓋無事則散而耕兵亦民也有事則聚而戰民亦兵也兵不撤而坐食之病可免矣墾荒之道四照得各衛所新

軍無補行伍之實用月費八斗之糧查得隆慶元年  
金山衛奉例赦歸新軍六百八十九名歲省口糧六  
千六百二十四石一年如此他年可知一衛如此他  
衛可知嗣後合無將有力軍罪罰令開墾幾百畝須  
將本犯解發該府監候水利官不時查比工完成效  
正官親勘著實方准釋豁其無力軍罪解發到衛者  
不必責以差操仍發管屯官統領按月給米量撥荒  
田數畝令其開墾屯種則刑罰之內亦財用所出也



墾荒之道五照得挨叅吏農內中多有願加納者註  
誤問革吏農及監生省祭等內中亦有願納贖者合  
無出給明示聽其告墾准叅准贖則於愛惜人才之  
內而兼寓區處荒田之方庶利興而法亦不廢者又  
一道也墾荒之道六已前諸法施之平時則然即不  
幸而有水旱饑饉之憂發粟賑濟召民開墾官賴其  
力以興利民得其力以全生者又一道也

墾荒施工議

一造冊荒田之踏勘既未可以無據而空查勘荒之數目又未可以臨期而卒辦須行各屬先著塘長督同該年圩甲人等丈量造冊備開四至步口有無業主或係新荒或荒之甚而為積荒或又極甚而為板荒明白開報呈遞然後委官按冊而稽其田則田之荒熟既不能掩按冊而覆其步則步之虛實亦不可逃矣

一委任勘荒職員所關至重責成委任要須得人尤當

減省騶從乘駕輕舟履畝親查摘號抽覆屢覆屢同  
餘不必覆一有不實通要覆量無水高田仍用方尺  
水深低蕩用篾簾總量驗實新荒積荒板荒親註於  
冊使不得更改荒少人多去處執法當嚴人少荒多  
去處用情當恕更究其所以拋荒之故則因可以得  
其轉熟之方矣

一准首有田本熟而捏作荒者今將真正荒田盡行勘  
出則彼之捏作荒者即已改正時已無及付之不改

則罪無所逃矣律之以法彼固無辭然以聖世寬大  
氣象論之則以開荒之故而使在在有犯法之民所  
不忍也合無通行出示聽其先自出首承辦糧差已  
前姑不必究執迷者始嚴治之又有田本荒而自行  
墾種者雖無告佃之文已有工本之費若因其既種  
而即陞其科非所以為力本者勸矣况君相以父母  
天下為王道寧可與民寸寸較量若此耶必須一體  
給帖准作初年開墾以勸招來以勵惰農

一查額踏勘荒田先要公同里甲吊取真正圖籍查其  
已經告豁者現納何等荒糧未經告勘者係是何等  
糧則一向從何處補一一查明開報以便類申酌處  
一分等新荒者拋棄未幾草根猶淺工力頗易定以三  
年限期積荒則拋棄日久草根已深難於施工定以  
五年六年寬限俱止醵薄輕糧板荒則年代愈深草  
根盤結如木板然農器卒難驟入必照洪武宣德事  
例聽民墾熟止納原荒田糧雜泛差役則不分三等

一例蠲免

一召墾流散人民所在有之先要大揭告示招其復業  
往事非犯死罪舊逋不係侵欺悉與湔除勿論聽其  
來歸開墾委官經歷地方叅以時勢人情多方設法  
或區中大戶或附近田鄰隨其資力量撥畝數以至  
外方流寓客戶本處無業貧民量給農具種子亦須  
聽從其願惟荒田一望極目四顧絕無人煙者此則  
必量撥附近民兵有力軍徒開墾或聽吏農告墾准

叅或聽詿誤問革吏農監生省祭告壑准贖此雖可  
暫而不可常亦所以濟其法之所窮也

一處置高鄉之荒荒於水之不足低鄉之荒荒於水之  
有餘故處置之方在於禦其所有餘而瀦其所不足  
且如無水之處十畝而廢一畝以為池則九畝可以  
常無患矣百畝亦然以今欲壑高鄉之荒須擇其地  
勢最高仰之處酌量畝數割為陂湖其形勢則或為  
丁字或為十字隨其所宜大展陂岍使廣而多受雖

亢旱之年不至耗涸從高瀉下均資廣及沾潤一番  
可以經月大雨一注衆流復積前者既瀉後者復蓄  
每年冬月疏濬一番撩泥壅田水可常深魚鰕蘆葦  
之利又足以補其所費高鄉水利無踰於此低鄉圩  
分先要堅築四圍隄岍田橫之岍長至數丈可以各  
自施工縱直之岍長至數十丈或百丈此非併工不  
可圩田中間畫以界岍有二頃者界以一字三頃者  
界以二字四頃者界以三字五頃者界以十字六頃



者界以二十字七頃者界以三十字八頃者界以井  
字而溝通之蓋各各界斷則戶少而力齊易集而易  
救此治低田之法也隄岍邊傍令栽水楊護以茭葑  
蓋茭之性紛披搖曳與水周旋而不與之忤比其及  
岍已如強弩之末勢狂怒盡解岍不衝齧年年挑出  
田中泥土岍益堅厚茭益豐肥可以常保無虞惟狹  
河及淤泥易積去處不許

一施工開治草萊乘其時則易逆其時則難冬月之草

根芽收斂鋤掘易施且冰結霜凋草根易絕故冬間一日之工勝於來春十日不然春陽既布根已穿泥雖盡力翻耕益固結而不可解幸而墾轉又將屈曲而復萌矣

一攤稅低鄉做岍之處高鄉開河之處田既有所廢棄則廢棄之糧相應攤加於各戶即以其現在之畝數而均認其應納之稅糧則不求攤而自攤矣蓋糧雖量起輕科其原額畝數之不可或缺則例當如此

一收籍開墾荒田工力繁難較其所費多於田之價值  
近者召民墾種民不樂從者止因賦役繁重所得不  
償所失且故主爭認則花利未必得而勞費亦徒然  
爾若是則誰肯出其力以自入於賦役之網羅哉又  
誰肯身任其勞而使他人坐收成利哉今寬其年限  
量起輕科似矣然槩行收冊未免混報差役徭開荒  
之累仍在也且業主現在而荒者謂之情農逋逃而  
荒者即為奸民奸民情農得免於罰幸矣豈可聽其

現成爭利合無預為區處著為成令告墾之始不論  
逋逃現在徑與開除舊名成熟之後不分本區外人  
悉聽永為世業收冊則別以召佃名色另附冊後不  
入編差之數糧里混報差役者坐以枉法詐害罪名  
有肆害攘奪者雖係伊人原產亦以強占治罪無貸  
遍出曉諭使衆通知常川張掛墾荒實效其在茲乎  
一陞科照得各屬錢糧雖有飛灑欺隱等弊然而此增  
彼減東漲西沒則總內原無走移且荒田告豁之糧

既應於額外加攤則告復陞收之糧仍當於總內減額始為允當有司不察但遇告勘荒田則有所謂攤荒之令縱有陞收告復永不聞有所謂減額之恩日積月累贏出及千及萬官府方欲留之以奏羨餘之名而不知此項錢糧既不在官又不在民徒為縣總之所乾沒爾今當籍其墾荒佃戶姓名另造一總冊不時稽查俟其陞科年限將此起熟之糧另作一項支銷或貯社倉以備賑濟其陞收之額則聽留於籍

以俾補他日之貽荒則荒糧既不必於額外攤加而  
羨餘又不徒置之乾沒之地矣

按治水治田相為表裏前已叙之詳矣今本院首  
開吳淞江以通震澤次開蘇松下流諸河以達三  
江則下委既治次開常鎮諸瀆以導下流則上源  
亦修復利布治田六事通行四郡責令所司各就  
田之高下開溝渠築圩岍然後旱潦有備云

三吳水考卷十四

欽定四庫全書

三吳水考卷十五

明張內蘊周大韶撰

水績考

小序

古人有言非常之原黎民懼焉及臻厥成天下晏  
如也夫展輿圖於指掌殫精神於河渠汴委尋源  
殺流分勢究其通塞之故相其高下之形籌其利  
害之幾而務立為將來永久之利一望渺茫莫得

要領其初議亦大落落矣逮其事定功成民乃永  
賴是非獨才知有餘則其精神之所到也語云弗  
慮胡獲弗為胡成是故事弗可無績也績用弗成  
所以勤事者安在紀水績者語成勞也非自多其  
功伐者也是禹貢之遺也

水績考

夏

三江既入震澤底定

司馬遷云昔禹之治水  
於吳則通渠三江五湖



秦

鑿曲阿

即丹陽縣古雲陽也秦時史官奏雲陽有王氣遣人鑿北江以敗其勢截直道使曲

因名曲  
阿縣

吳

赤烏八年

開破岡瀆

建康實錄云吳赤烏八年使校尉陳勲發兵三萬鑿句容中道至雲陽西城以

通吳會船艦號破岡瀆上七埭入延陵界下七埭入江寧界于是東郡船艦不復行京江

矣晉宋齊因之梁廢破岡瀆而開上容瀆在句容東南五里至陳湮上容瀆復修破岡隋

平陳後  
廢之

晉

重開湖州荻塘

吳興太守沈嘉重開荻塘後人改名吳興塘

大興四年

創新豐塘

屬鎮江晉陵內史張闓所部四縣並以旱失田闓乃立曲阿新豐塘灌田八百

餘頃計用二十一萬一千四百二十工以擅興造免官後公卿並為之言詔以闓為大司農

宋

元嘉中

欲穿渠滄

揚州刺史王濬以松江泥瀆壅噎不利欲從武康穿渠滄直出海口

修陽湖

當時因湖之廢修之成良疇數百頃

梁

天監九年

築謝塘

彭城令謝法崇築屬鎮江

大通三年

漕大瀆

吳郡水災有上言當漕大瀆以瀉松江者詔遣前交州刺史王奕假節發吳吳興信

義三郡人  
丁就役

大同中

浚梁溪

屬無錫

重浚青塘

屬湖州梁吳興太守柳惲重浚青塘後人思柳公德政易名柳塘

隋

大業六年

穿江南河

自京口至餘杭郡八百餘里以備東巡

唐

萬歲登封元年

築富陽捍江隄

縣令李浚築隄東自海江西至笕浦以捍水患貞元七年縣令鄭早

復修增之

開元元年

築捍海塘

起杭州鹽官縣抵松江袤一百五十里

開京口河

刺史徐某以郡北隔江舟行繞瓜埠多風濤之險乃於京口埭下開河二十五

里渡江立埭歲利

百倍舟不飄沒

永泰二年

重開練湖

從轉運使劉晏刺使韋損之請也

大厯中

鑿杭州六井

李泌刺杭州以城中水鹵惡引西湖分為六井以便民汲

貞元中

決水溉田

蘇州刺史于頔繕完隄防疏鑿畎澮列樹以表道決水以溉田

元和二年

開塘湖決堰

觀察使韓皋刺史李素開常熟塘湖州刺史范傳正開平望官湖并疏去

長興西湖中田及決去諸堰以復古跡

五年

隄松江

王仲舒治蘇隄松江為路

開泰伯瀆

屬無錫

浚孟瀆

刺史孟簡既開泰伯瀆復浚孟瀆袤四十一里溉田四十餘頃

天祐元年

吳越王錢氏置都水營田使以主水事募卒為都

名曰撩淺

南唐

昇元中

浚練湖

丹陽令呂延真既浚練湖復作斛門以通灌注

保大初

修孟瀆水門

宋

天禧二年

導五湖

運使張綸經度崑山常熟五湖導太湖入海復歲租六十萬

乾德元年



詔蘇湖秀疏導壅閘

三州積水害稼詔發鄰郡兵疏導壅閘仍令發運使董之

又遣職方員外郎楊及催督

天聖初

築隄浚潦

天聖元年蘇州水壞太湖外塘又海防支渠湮塞詔轉運使徐奭江淮發運使

趙賀董其事自市涇以北赤門以南築石隄九十里浚積潦自吳江東赴海復良田數千頃流民得自占者三萬六千家歲出租苗三十萬

七年

開潤州新河

天聖七年五月兩浙轉運使言潤州新河工畢降詔獎之

景祐元年

疏導諸水

時范仲淹守鄉郡上書宰臣言水利親歷海濱開浚五湖東南入吳松江東

北入於海用錢糧一十八萬三千五百貫石自後置農田水利使者專管湖塘河渠趙運使任內用錢糧四十三萬八千有奇是時轉運使亦委平江節度推官張去感分擇水道

寶元元年

疏盤龍匯及滬瀆入海

時雨旰轉運使葉清臣以太湖民田為豪右據上游

水不得洩而民不敢訴遂請疏云云民賴其利

慶厯元年

開顧會浦

知華亭縣錢貽範所開

二年

築太湖隄浚港浦

通判李禹卿言松江風濤多敗漕舟遂築長隄界松江太湖之

間橫截五六十里又修荻塘通湖州凡九十里常州許恢浚申港凡三十八里澡子港自江口浚之凡四十里戚墅港自湖口浚之凡九十里時知常熟縣范洪浚金涇鶴瀆二浦

三年

浚孟瀆

知武進令楊漢諭民疏孟瀆通江

浚顧塘河

知常州李餘慶浚顧塘河並引惠明河水注之漕渠復開濬河曰三十年當有

魁天下者後  
果如其言

浚蒜山河

屬鎮江兩浙轉運副使鄭向疏  
蒜山漕渠抵於江人便利之

皇祐中

浚常州運河

知武進令葛闕以運河積水害田疏  
導四十里募里豪得粟二萬斛以給  
役

至和二年

開崑山塘

主簿丘與權開  
又名至和塘

嘉祐初

開顧會浦

轉運使沈立開崑山  
顧浦松江顧會浦

四年

招置蘇州開江兵士立吳江常熟崑山城下四指

揮

修常州運河

知常州陳襄以太湖積水遏運河不  
得入江為民田患立法浚之具患遂

息

五年

作田塍

轉運使王純臣建議請令蘇湖常秀作田  
塍位位相接以禦風濤令縣官教誘殖利

之戶作塍岸定其勸課  
為殿最當時推行之

六年

修至和塘浚白鶴匯

知州蔡抗行縣按水時轉運使李復圭知崑山韓正彥大

修至和塘並加完厚民德之立塍塙以免水患又開松江之白鶴匯如盤龍之法皆為民利

八年

常州望亭堰兵士撥隸蘇州

時轉運司奏常州望亭廢堰兵士撥隸蘇

州開江指揮於崑山置營興修至和塘

治平四年

修夾岡河

都水監言兩浙相度到潤州至常州界開淘運河廢置堰閘乞令今年住運開

修夾岡河  
道從之

熙寧元年

詔興修水利

命雍元直自昭文編校治浙西河渠

二年

頒農田水利約束

三年

遣官相度蘇州水利

崑山人郊亶自廣東安撫機宜文字上言蘇州水利具書

與圖首言六得六失因上所著書數千言及治田利害七事有旨令亶至兩浙運司與本

路提舉司  
共同相度

五年十二月

以郊亶為司農寺丞提舉兩浙水利

亶興後調夫經理橫塘縱

浦期以五年而蘇州之田畢治民以為擾會  
呂惠卿應召見上言其措置乖方詔命停工  
亶罷官既沒其子將仕郎僑嗣  
緝其說亦有建明書見水議考

六年



浚修浦瀆

八月檢正中書刑房公事沈括言浙西江浦淺塞者當浚浙東隄防川瀆湮塞

者當修請下司農貸錢募役從之仍命括相度兩浙水利

元豐三年

開運河

賜米三萬石開蘇杭州運河淺澁

六年

定開江兵級

樞密院裁定蘇州開江兵級八百人專治浦閘

元祐三年

浚青龍江

先是宜興人單錡上書言水利常平使者調蘇湖秀之人浚青龍江分地程役

常熟縣丞郭三益  
所部前期告辦

常州開堰置閘

有司既治芙蓉湖為  
田因開五瀉堰置閘

紹聖二年

開浚湖浦

浙部水溢詔賜緡錢二百萬以賑之轉  
運副使毛漸奏數州被害即捐二百萬

倘仍歲如之將何以繼請官貸錢七十萬緡  
起長安堰至鹽官徹清水浦入海無錫浚芙蓉  
湖武進疏廟堂港常熟疏梅李涇以入楊  
子江又開崑山七鴉港下張浦東北導松江  
開大盈顧會二浦東南浚柘湖新涇下  
金山小官浦皆入於海自是水不為患

重浚練湖

知丹陽縣蘇京募民  
重浚練湖易置斛門

元符三年

詔蘇湖秀州凡開治運河浦港溝瀆修築隄岍開  
置斗門水堰等並役開江兵卒

崇寧元年

置提舉司

置提舉淮浙澳閘司於蘇州以  
知崑山縣鮑朝懋提舉管幹

二年

開淘吳淞江

宗正丞徐確提舉常平考禹貢三江  
之說以為太湖東注於海松江正在

其下流向來潮泥湮塞水溢為患請自封家  
渡古江開淘至大通浦直徹海口七十四里

以常平緡錢米十八萬三千餘克調夫之費  
因令飢民就食確躬操畚耒先之水道遂  
或言飢民就役多死降三秩確曰此役不  
興飢民當駢首以死以此獲愆吾所願也

### 大觀元年

疏導松江

### 三年

開江置閘

元年九月中書舍人許光凝奏太湖入  
海然後水有所歸願委官詳究利害十

一月詔委本路監司檢按松江故道疏導及  
命陳仲芳為發運司屬官相度蘇州積水三  
年兩浙監司奏請開淘  
吳淞江後置十二牖

大觀中

重建黃田上下閘

屬江陰

政和六年

興修水利

宣和元年

修港浦

二年

修圍

政和六年差戶部趙霖具逐浦經久利害赴尚書省指說霖上其說九月詔差霖充兩浙

提舉常平興修水利開浦置閘仍差童師敏  
充承受奏報文字霖受任復條其事目以聞  
宣和元年興工前後修一江二港四浦  
五十八瀆二年霖又應詔修閘常湖

宣和中

開新泊河

屬鎮江六年八月勅鎮江府旁臨大江  
舟楫往來每遇風濤在港河容泊聞西

有泊河可以避急歲久湮廢宜令發運司  
計度深淺浚治以免沉溺之患遂開是河

政和中

修江陰縣河港堰閘後開餘杭上下二湖

縣令江  
表躬訪

利害紹復前績後紹熙  
中畿漕黃黼復加修浚

重和元年

浚塘

知崑山吳昉  
浚至和塘

紹興二年

浚沿湖七十二淩水入太湖

屬湖州知  
州王回浚

四年

開華亭海河

鹽官丞王珏開華亭海河二  
百餘里通漕灌田民享其利

浚練湖易置斛門

知丹陽縣郭京以漕渠歲久湮  
塞因募民浚湖度地易置斛門

數十

七年

置呂城石埭及夾岡二斗門

兩浙運使向子諲所置

十五年

開顧會浦

通判曹永開

重築元豐等塘

邵文炳築

二十四年

開白茆港

時大理丞周環言臨安平江湖秀四郡低田多為太湖積水浸灌緣溪山諸水

連接併歸太湖東南由松江入海東北由諸浦入江其沿江洩水惟白茆浦最大望令有



司相視開決二十八年詔以御前激賞酒庫錢平江府如數給之二十九年正月興工從常熟東柵至雒浦入丁涇開福山塘自丁涇口至尚墅橋北注大江分殺水勢

## 二十八年

詔兩浙漕臣及監察御史任古按視興修水利

## 二十九年

禁圍裹湖田

知平江府陳正同上言相視到常熟諸浦舊來雖有潮沙之患每得上流

迅湍可以推滌不致淤塞後被人戶圍裹湖瀆為田認為永業乞加禁止有旨明立界至

違者以  
違制論

隆興元年

監進院獻治田三議

李結獻治田三議曰  
務本曰協力曰因時

二年

開諸浦

時浙西郡國皆大水詔江浙勢家園田湮塞流水諸州守臣按視以聞平江府委陳

彌作相度彌作乃上其宜先治者十浦并合

開園田一十三處詔令守臣沈度依狀開決

許浦自梅李塘至雄浦口東白茆浦自黃沙

港至支塘崔浦自丁涇塘至浦口黃泗浦自

十字港至奚浦口為涇浦自界涇至鴨頭塘

下張浦自東海湮至千步涇七了浦自梅浦

至李漕涇川沙浦自梅湮至陸鶴浦楊林浦

自楊林橋至陶家港掘浦自海口至五聖港

並開  
治之

## 乾道元年

招置額闕開江兵卒

陳彌作沈度又言新開諸浦並皆通海潮進則沙隨入潮

退則沙沉墜輒致壅塞今照舊招置額闕開江兵卒次第開浚從之

## 二年

開通波塘置張涇堰閘

轉運副使姜說開浦置閘

浚申港利港

轉運使姜說與知江陰軍徐藏浚申利二港共二十九里深九尺濶六丈

而下流之廣倍焉又蔡涇閘舊惟用木至是以石易之

五年

增置撩湖軍兵

專一管轄不許人戶佃種  
菱菱及因而包占隄岸

七年

修華亭瀕海十八堰

知秀州丘密修葺各堰遂移  
新涇堰於運港九年置監堰

官於顧亭林以防鹽運私發諸堰後堰外隨  
潮沙漲牢不可壞二州之田得免鹹潮浸灌  
患之

八年

復浚潤州河

郡守宋貺自利涉  
門北浚至江口

淳熙元年

浚常熟許浦

詔平江守臣與許浦駐劄戚世明開浚

二年

復浚蘇松諸浦

兩浙運副姜詵奏開常熟黃泗浦  
在浦許浦白茆浦而許浦最急時

兩浙運判陳峴言徧歷平江常州江陰諭民  
併力開浚川港尋命提舉薛元鼎相視太湖

利害詔馮堪開浚許浦自雉浦至梅李道通  
橋三十八里自道通橋至許浦口一十六里

元鼎又奏開運  
河五十四里

立庸田司於平江

撩漉吳淞江沙泥浚各閘舊河  
與瀆渠及松江之漲涇通波南

北俞塘鹽鐵官紹盤龍  
蒲匯六磊石浦等塘

六年

浚至和塘

發運使魏峻疏至和塘東自夾  
潮塘西至戴墟浦亘四十餘里

浚常州後河

初崇寧元年知常州朱彥浚後河未  
幾復塞淳熙十三年林寔繼之重浚

河復故道袤三百丈濶三十丈深五尺  
後繼寔者史能之林祖洽俱再加修浚

浚列塘置閘

常州府  
所屬

重浚運河

時董其事者武進丞  
韓隆曹尉秦膺剛也

重修練湖橫壩及諸斗門

初練湖橫壩及東西斗  
門順瀆斗門南北斗門

俱創於唐刺史韋損後屢修至是總領錢糧臣復為修之

十三年

浚澱山湖

提舉浙西常平羅點以澱山湖洩水諸道咸里豪強占以為田水壅不洩民田

病之命點親視開掘農民聞命歡躍不待告諭各裹糧合夫先行掘鑿於是並湖巨浸復為良田

十五年

開河置閘

提舉詹體仁開河置閘門為旱潦之備

重浚丁義瀆

屬鎮江後復淤塞土人率眾開浚至今賴之

金史四  
卷十五  
創黃水碓

閩州守陳君仁所為

紹熙四年

浚閩州市河

郡守萬鍾以夾岨居民一遇大雨往往被浸至是隨宜浚導越十六年淤

土壅閘郡守史彌堅復疏濬之

嘉泰三年

修奔牛閘

知武進縣邱壽雋見奔牛閘久壞修之易木以石

嘉定元年

修築練湖

丹徒縣主簿馬榮祖以湖岨低狹不能蓄水修築湖堤共長四千七百八十二



丈下廣三丈六尺  
上廣一丈二尺

浚九里河

知常州邢憲與知江陰縣張宗濬九里河面之濶為丈者八底則五之深如其底十

之一

紹定二年

置魏江江灣福山水軍

三部凡四千人

五年

修吳江長橋

知府吳淵言吳江石塘橋梁摧圯給錢三十萬米一千二百石命邑令李

桃修葺植蒲葦楊柳以為捍

十年

浚錦帆涇

知府邱彥楠開錦帆涇以通運河

淳祐二年

修練湖

郡守柯元壽以練湖淤塞請於朝報可遂修湖復開閘於加深工完後自為之記

景定三年

修築練湖岍埂

湖自淳祐以來狹小涇塞者多至是朝廷以此委之浙西憲憲委之

倅宰時升陽知縣趙必棟建議議上聞遂支撥安邊太平庫會子二萬二千五百七十一貫

文平江府支米九百石收買竹木僱募人工以為修築之計

前進士胡恪開修三江五匯

三江包於太湖五匯三十六浦四十二灣

常曲為之制則水有所歸永不為患乃詔給薄尉俸隨司門員外郎李公傳相度開修三

江積水後轉運提刑提舉司言開淘吳淞江湮塞去處自大盈諸浦洩水入海凡用二百

二十二萬七千八百一十五工錢糧一十八萬三千九十八貫

咸淳中

重浚東蠡河

屬常州捐金募工者郡人靈甫也

六年

改作潤州程公上下二壩

郡守趙滑作

元

至元十三年

作金壇南壩

二十四年

導婁江

本年水潦為災宣慰朱清諭上  
戶開浚自婁門導水入於海

三十一年

浚練湖

疏浚河水及修築隄岸斗  
門石碁涵管咸一新之

大德二年

立浙西都水庸田司

中書省奏立都水司於平江路

八年

立行都水監浚吳淞江

中書省准浙江行省咨任仁發言吳淞江淤塞奏立

都水監仍於平江中書以聞特命行省平章撒里提舉修浚一切便宜經畫以淞江故道湮塞西自上海縣界東抵嘉定石橋洪迤邐入海袤三十有八里

九年

重浚練湖

陳庸有記

至大初

督治田園

江浙行省以去歲水旱災傷田禾不收即今春首農作將興各處田園高下不

等今修陂塘園所溝渠曉諭農家須要依法修置遇旱車水澆救遇潦泄水通流會集行

都水監官李都水請究得修浚之際田主出糧佃戶出力係官園田若無總佃貧窮無力

不能修浚量其所需官為借貸收成日抵數還官事有成效勸農正官定擬陞賞聞奏失

誤者治罪其拋荒積水田土多因租額太重無人承佃勸諭當鄉富工人戶自備工本修

築成園聽令佃種為主拋荒官田止納原租初年免徵次惟半而三甫全積荒則三年後

第依民田輸稅

泰定元年

浚吳淞江修漕渠開挑練湖

浙江行省請命都水少監任仁發修治平

江淞江通海河道壅塞開吳淞江鎮江漕渠自江口至呂城一百三十二里并練湖用建

康常州平江江陰本路五郡人夫

復立都水庸田使司置石閘

元年浙江行省以平江松江通海河道比

年壅塞官民勢豪侵占水面插蒔蘆葦復為蕩田以致水不通流邇年水旱相仍官民虧失大利二年中書右丞旭萬傑奏吳淞江等河若不設立衙門管領每次挑浚費錢糧損民力松江府正管兩縣撥屬嘉興路依先設立都水江府革罷兩縣撥屬嘉興路依先設立都水庸田使司專管任先所管勾當以任仁發為肅政廉訪副使從之仁發等因上言吳淞江

等處河道今已開通擬合褚開附江達海分  
流支港於平江嘉定州之趙浦嘉興上海縣  
之潘家浜烏泥涇三處各置閘二座設官管  
領依時啟閉以遏渾潮使閘內清水一歸於  
海衝渲江道深濶渾潮不致旁流入江停  
滯淤塞去害就利以圖經久之計從之

天應二年

罷庸田司復松江府

至順中

浚江陰縣河

江浙行省謂江陰之水由蔡涇北出  
江口一百五十步委同知州事萬某挑

浚下閘以西一千  
八百五十餘丈



復開元堰直河置斗門於張涇盤車二堰

至正元年

浚江并渠堰

是年冬十月撈漉吳淞江南北岬下泥沙浚各開舊河松郡西門外漕渠

至張涇堰凡一十二處長六十三里役夫一十九萬八百四十用米四千七百四十七石鈔二千一百六十四錠各有奇

復立都水庸田使司

中書以浙江行省中書左丞相欽察台開府言浙西水利

近年有司失於舉行隄防廢弛溝港湮塞水失故道民受重困今後莫若都水監官歲委一員分治浙右仍令各處農事正官帶知園田署銜責任有歸官民兩便及監察御史言

擬復立都水庸田使司慎選諸曉水利洛守  
官箴之人披按圖志討論舊績使專其任責  
效以成

二年

修捍海塘

都水庸田司修華亭捍海塘式  
原高一丈面濶一大底二丈

明

洪武七年

浚澡子港

知常州府孫用以武進澡子港歲久  
淤塞用四邑丁夫開浚臨江置閘

九年

開至和塘等堰壩

長洲縣民俞守仁等訴蘇州府下上汎迅發雖有劉家河難洩

衆流之橫潰張氏曾開白茆塘劉家河分殺水勢自歸附來十餘年間並無水害今常熟崑山之民於白茆塘西昆承湖南諸涇及至和塘北諸港汎並為堰壩不使通汎致水泛

濫遂差官相視開之

浚江陰申港

一名申浦水入大江東入五瀉西入三江港

二十四年

浚得勝南新河

舊名列塘西北入揚子江

二十八年

浚江陰縣橫河置安吉縣劉家西鄉等壩安吉縣

五沸石山等溝

三十年

築蠡瀆河堰

時武進蠡瀆河湮塞復築堰潴水以資灌溉

三十四年

重浚練湖

知府劉辰知縣董復事實

永樂二年

江南大水戶部尚書夏原吉治水

初朝廷以蘇松水患為憂命戶

部尚書夏原吉疏治太常少卿袁復輔之尋遣會都御史俞士吉齎水利集賜原吉使講究拯治之法而華亭人葉宗行亦上言治水方畧送原吉聽用原吉既得請遂自崑山東南夏駕浦掣吳淞江水由劉家河入海挑嘉定西顧浦引吳淞江貫吳塘亦由劉家河入海浚常熟白茆塘引太湖諸水入楊子江於上海東北浚范家浜接黃浦通流入海用宗行言也

### 三年

增修嘉興海塘

塘為風潮圯壞適右通政趙居仁按浙以鄰近嘉興九府之民增土

修築

四年

修孟瀆河

初洪武二十七年嘗浚孟瀆止通輕舟從開官陳讓具陳江南漕運之利至是

朝廷命通政趙居仁率蘇常等郡丁夫浚導視舊倍加深廣

十一年

重浚江陰運河

五年

詔巡撫工部侍郎周忱治水

是時廷臣言蘇州之田卑下常有水患宜

設法疏浚以利生民詔巡撫侍郎周忱兼總其事忱以吳淞江東連大海西接太湖而北

平坦民間開鑿成田江水壅塞乃督民開修  
崑山顧浦親往江上立表江心盡去壅塞自  
是水得  
疏洩

六年

築練湖隄修斗門

知縣陳  
誼事實

七年

修田圩通河道

本年大水七月十七日颶風各處  
低圩岫塍俱衝坍枕奏留官糧府

三十萬石縣六萬石賑濟時水利等官先被  
巡按御史何永芳奏革枕復奏請各官來任

未半修  
治事完

八年

修浚邊海諸河

巡撫侍郎周忱修浚金山衛獨樹營至劉家港諸河

九年

築海鹽新塘

塘屬為風潮所壞是歲尤甚知府黃懋欲於塘內重築新塘馳疏以聞命

工部移檄布按二司勘計物料僉事陳永綜理其事而叅政謝輔繼至相與協力因舊址廣狹鳩工役民起土運石撤其舊而新之外甃巨石中實瓦礫頗為完固

景泰間

築澱山湖隄

知松江府葉冕修湖隄湖北界崑山各較彼此工莫克就冕一視之督府



民修築萬餘丈二邑賴之

### 修練湖

### 五年

### 浚白茆等塘

是年夏大水淹沒田禾巡撫侍郎李敏知府汪澍躬往相視挑浚青墩浦

橫瀝塘以通白茆開三堰引水通鮎魚口仍去海口淤塞約千餘畝

### 天順三年

### 浚吳淞江

巡撫都御史崔恭命工浚吳淞江分江為三崑山縣自夏駕口至白鶴江四千

六十七丈上海縣自白鶴江至卞家渡四千六十七丈嘉定縣自卞家渡至莊家涇五千

五百六

十七文

浚鎮江漕河作閘

從尚寶少卿凌信言命都御史崔恭浚自京口至奔牛一百六

十里各置閘

信吳江人

作奔牛呂城壩閘

壩有官守之

四年

浚蒲匯等塘

巡撫都御史崔恭浚蒲匯塘及新涇四千丈鑿曹家溝南抵新場二萬丈

浚大磊塘鰲脰湖烏泥涇沙竹岡諸水入於黃浦

浚江陰城壕

重建湖州長橋

知府岳璿以長橋歲久圯壞鳩工重建三洞環之以通水利

五年

浚九曲港浚胥口塘

吳縣知縣樊瑾以香山西南舊有九曲港淤塞已久乃浚

之以通舟楫并開胥口

成化初

築練湖隄及斗門涵管

知縣蔡寔所築

七年

浚吳淞江

東自徐公浦西抵夏駕浦

八年

置僉事於浙江專治蘇松等府水利是年築捍海

塘

知松江府白行中築捍海塘初沿海並有塘隄歲久頽圯七年秋大風海溢漂入畜

沒禾稼巡撫都御史畢亨巡按御史鄭銘水利僉事吳瑞僉議復隄行中承檄委同知傅愷楊憲知華亭縣戴冕知上海縣王宓之督工興築每決辰行中輒一臨視越兩月而塘成華亭自海鹽至上海界築三萬四千七百六十有九丈又為外隄起戚滌至平湖界五十有三里用耆民居文吳克平議上海自華亭抵嘉定界築一萬七千七百四十有八丈面濶二丈址倍之高一丈有七尺

修海鹽塘

是年七月十七夜風潮大作平地水深丈餘塘石悉皆傾圮參政邢簡僉事趙

銘躬臨按視督府同知楊冠等仍用舊石修築

甃吳縣山鄉堰埭築西華石堤

吳縣山田苦旱瀕湖田病潦知縣雍

泰躬履審視遡流尋源得於穹窿山腰所謂法雨泉者上流為堰下分二道近采香徑瀦之成潭仍甃三石堰各置肺隨水啓閉復市山石由馬跡山西南而東築西華石堤三千一百丈有奇址廣一丈上收八尺以捍禦風濤湖田亦免侵蝕民賴其利

九年

添設蘇松嘉湖五府勸農水利通判屬縣縣丞各

一員

使專掌水事  
以為民利

浚宜興便民河并浚觀鶴樓河

知宜興縣袁導奉  
巡撫王恕命募工

浚便民河五千四百大延袤三百里又於觀  
鶴樓積淤成陸處浚之復闢其東小河達縣  
南城以避西  
沈溪之險

十年

開吳淞江

巡撫都御史畢亨與知蘇州府丘霽議  
開吳淞江自夏駕口至西莊家港嘉定

分浚六千三百五十三丈  
裹共一萬一千七百七丈

十三年

修海鹽塘

是年春海鹽潮水泛溢漂溺居民廬舍甚衆至於八月修捍海塘成

浚吳淞江及諸塘浦

僉事伍性浚吳淞江中段四十餘里及顧會趙屯都臺諸

浦蒲漚楊林新涇等塘又議開吳江長橋淤土以洩湖流工未畢代去仍差主事姚文灝

代之

弘治三年

浚江陰縣城濠

初江陰縣知縣周斌重浚城濠歲久為市民所塞築屋以居至是知

縣任良才撤屋浚河還於舊規

四年

浚宜興諸瀆及漕河

水利僉事伍性命宜興縣浚湯溪等瀆凡五百六十六丈

八年復命縣浚五賢等

瀆凡二千六百六丈

六年

浚宜興葛溪瀆

僉事伍性凡一千四百九十丈淤處盡浚深之

七年

浚江陰縣申港

知縣王傳浚申港北入大江東入無錫五瀉河西通三山港

八年

命工部侍郎徐貫治水浚塘浦湖港

時吳中大水工部侍郎徐



貫與主事祝萃會同巡撫都御史何鑑委知  
蘇州府史簡開浚吳江長橋水竇疏太湖之  
水以及吳淞江委松江府通判郝希賢浚吳  
淞江自帆歸口至分莊七十餘里蓋江口葦  
荻叢生蔓延數千畝至是悉剷除之以長洲  
吳江崑山常熟嘉定等縣人夫浚白茆港并  
斜堰七浦塘裏共二萬四千餘丈并  
東開鹽鐵塘十八里西浚尤涇七里

### 置分司於蘇州專主水事

始差主事祝萃既而  
仍命姚文顯領其職

## 九年

### 築長洲縣沙湖堤

提督水利主事姚文顯見沙湖  
風浪險惡且多盜賊築堤橫截

其中廣三文袤

三百六十丈

設導河夫於沿江

每歲於均徭內編銀貯庫以備興修雇募之用

十一年

浚宜興河瀆

先是九年主事姚文灝命浚仕瀆等四瀆凡八百五十五丈十一年文灝

復命浚白龍河是年工部郎中傅潮命浚黃積等五瀆凡八百五十五丈知縣張偉亦以

是年浚運河

十二年

浚崧子浦

松江通判原應宿疏之萬塘即崧子浦也

浚許浦塘

知常熟縣楊子器以塘壅塞浚之廣十二丈深八尺長四千三百二十丈得舊

石閘於雙墩移置海口謂梅李居於上流復  
浚之長六千一百三十丈深廣減許浦十之  
二

### 浚鎮江新港

水利郎中  
傅潮事

### 修築練湖

知縣高  
謙事

### 浚湖川塘

太倉州民吳賢見塘淤塞田失灌溉陳  
於巡撫都御史彭禮及水利郎中傅潮

命蘇州府通判陳璉率州判官黃譚浚自徐  
昌橋至金鷄口凡八千五百十丈入崑山西

段又六百大其  
廣十丈深九尺

十四年

浚宜興港瀆

工部郎中臧麟浚莊前港并丁山等瀆凡六百六十丈又浚戚瀆鴉瀆凡

六百八十丈

十五年

重浚黃田閘

江陰知縣徐禎時浚

十六年

修鎮江河溝壩堰

凡一百四十處

十七年

修宜興後河三

郎中臧麟修

正德三年

築鎮江博望新閘

閘舊在九曲河口其圯已久正統間邑人孫某捐貲別建於嘉

山下歲久復圯至是又即博望故基東數十步建新閘與嘉山閘相攝水利始通

命都御史俞諫治水

六年

浚江陰利港

都御史俞諫命通判溫應璧縣丞黃霆浚

七年

浚江陰新溝港九里河

通判溫應璧浚新溝港縣丞黃霆浚九里河

浚宜興河瀆浜港

先是宜興永安等河瀆港浜俱淤塞都御史俞公命知縣劉一

中縣丞李延珏重浚凡七

萬二千四百三十二丈

本年改設浙江兵備副使帶管蘇松水利浚常州

運河

知府李嵩以運河淤塞復加浚治民甚利之

修海鹽塘

通判韓士賢與知縣辛九齡重築海塘自教場迤邐而周二百四十丈翁家塘

上塘共六百五十丈了义塘三千三百丈漱浦塘一千三百丈龍王塘談家塘又數千丈

十五年

命工部尚書李克嗣治水添差郎中林文沛顏如

環

先是十四年廷臣以東南水潦為言巡撫御史謝琛請開吳淞江故有是命李尚書

奏

請屬官巡按御史亦以為請遂差郎中林文沛顏如環顏郎中分管松江杭州嘉興湖

州四府及蘇州之嘉定一縣

林郎中分管蘇州常熟長洲吳縣及常州鎮江府并太倉鎮

海鎮

江崇明等衛所其太倉州

崑山

吳江則顏林二郎中共管

# 十六年

開白茆塘

林郎中督同蘇州府知府徐讚同知徐乾通判傅潮指揮翁仁廣管理開自常

熟束倉起至東海口長一萬七千三百九十二丈五尺深自八尺加至一丈五尺濶始二

十八丈加至三十三丈又督同通判萬奎縣

丞趙經等開過昆承湖口時涇新開洪草鞋

洪蘇家洪南北上州洪中洪周家洪東西錢  
港尚湖口朱涇界涇陽城湖口雙漕浜姚黃  
漕新開河廟涇東橫涇張庄淩武城  
涇共一十九條皆白茆之上流也

### 嘉靖元年

開吳淞江

顏郎中督同蘇州知府徐贊松江知府  
孔輔蘇州府同知冷宗元等開自夏駕

口起至龍王廟舊江口止共長六千三百三  
十六丈二尺濶一十八丈深一丈二尺又督  
湖州府同知徐鸞開濬大錢小梅等港并沿  
湖七十二淩以通太湖之上流蘇州府通判  
孔賢開濬趙屯大盈道褐  
等浦以通吳淞江之上流

二年



開蘇州府各州縣塘港河浦

提督水利郎中林文沛命吳縣開光福塘

胥口塘共長四千九百四十六丈以洩太湖之水入於婁江吳江縣開王家田港東莊港王家港方家港白浦港倒閘港夏姚河盛市港南盧港共長一千五百八十七丈以通富陽天目嘉興諸水歸太湖出白蠟江入澱山湖太倉州崑山縣開楊林河長八千四百十五丈以洩陽城湖之水於海崑山縣開南大虞浦長一千八百二十二丈以洩陽城湖水使入婁江常熟縣開市河梅李塘福山港共長一萬一千四百九十八丈以洩尚湖之水於楊子江開鹽鐵塘一段長二千六百六丈以洩白茆支流嘉定縣開鹽鐵塘接西練祁長四千三百九十八丈使北達太倉劉家河東通本縣東練祁各入於海本縣又與崑山

上海同開吳淞江淤淺處二段共長四千三百七十七丈使淤山等湖之水由是入海

### 開華亭上海塘港

郎中林文沛命華亭縣開南橋塘金匯塘官路港站船浜北塢

龍塘南嵩塘宜莊涇青村港黃泥漕尹山涇米市塘共長一萬九千四百九十五丈上海縣開舊江走馬塘周浦塘站船浜鹽鐵塘六磊塘共長一萬六千五百五十丈以洩當湖三泖淤山湖諸水使各通黃浦吳淞江以入於海

### 開常州各縣河瀆

郎中林文沛令宜興縣開南朱瀆洋會瀆溜溝瀆茭瀆辛瀆干

澤瀆長凌瀆了瀆咸瀆山瀆丁却瀆辛瀆三千港洞宵圩北枝河鮎魚河莊河萬壽河烏嘴瀆永安河興旺河長壽河瓦屑河雙橋瀆蘆長河窖莊河咸瀆張墅河共長九千五百

八十六丈以洩東西二沱荆溪之水入於太湖武進縣開得勝南新河長七千七百五十丈江陰縣開青陽河西山塘九里河共長九千四百六十一丈以洩運河之水於揚子江無錫縣開閘江港二百四十五丈又開西新河永安河包沿河蘇塘河共長一萬二千五百三十一丈亦以洩運河之水使歸常熟宛山蕩散出白茆諸港

### 重修海鹽塘

先是塘為風潮所壞郎中林文沛督率有司修築共長一千三百七十丈

## 三年

取回郎中林文沛劄僉事熊允懋帶管

## 四年冬

差水利僉事蔡乾

五年

開蘇州塘港河浦

蔡僉事乾督太倉州濬閘頭塘長洲縣濬市河三段自葑門善

教橋起至打急路橋止吳縣濬市河七段盤門新橋北起至石灰橋止又興福塘一段崑

山縣濬黃昌涇上社塘注浦道楊浦常熟縣濬三文浦橫涇塘嘉定縣濬西練祁河趙涇

北橫涇河桃樹浦虬江木瀆港舊江界河南鹽鐵塘雙塘河修海岬等處

浚常州河港修閘

蔡僉事行江陰縣濬脫水港馮涇河白蕩河應天河泥塘河蔡

港黃山港修黃田閘動支官銀二百一十五兩六錢用之

浚松江上海浜塘江

蔡僉事督上海縣濬張家浜東村塘馬家浜舊江青龍江

等處

九年

仍差工部郎中朱袞治水

二十二年

改兵備副使山東按察司帶銜帶管水利

二十三年

巡按御史呂光洵兩疏題請修治水利

二十八年

仍兵備副使添設糧儲叅政一員河南布政司帶  
銜帶管水利

三十五年

裁糧儲叅政仍改設兵備副使湖廣帶銜帶管水

利

三十八年

巡撫都御史翁大立題請興修水利

四十年

兵備副使王道行兼管水利

四十五年

江西左叅政太倉凌雲翼題請臺臣提督水利本年改差巡鹽御史仍勅浙江水利僉事帶管

蘇松水利

隆慶四年

巡撫都御史海瑞開吳淞江開白茆港

五年

巡按御史劉曰睿題請水利事宜并墾荒則例本年勅巡撫都御史專管水利浙江僉事仍舊

萬曆三年

修捍海塘

是年五月三十日夜海潮汎溢衝坍海塘西自秦驛山東至白馬廟延袤一十

八里漂流廬舍溺死人口無算副都御史謝鵬舉題請修築都御史徐弼吳善言相繼為

巡撫  
築完

四年



命監察御史林專督三吳水利兼管巡江時水政積廢乃

首復練湖次開孟瀆河復濬吳淞江濬吳江  
長橋兩難龐山湖口至吳家港泄太湖之水  
於吳淞濬松江秀州塘浦匯塘山涇港官紹  
塘泄泖湖之水於黃浦濬太倉七浦楊林常  
熟白茆塘三文浦許浦泄陽城昆承等湖之  
水於江海濬江陰之九里河山塘河舜河青  
賜河雷溝武進之白鶴溪太平河順塘河并  
陽之九曲河泄運河之水亦入大江築武進  
無錫江陰之芙蓉湖田園濬走馬塘以溉嘉  
定濬大瓦浦赤涇以溉崑山濬橫塘橫泖南  
北盤龍塘沙岡竹岡南橋塘都臺浦以溉華  
亭上海及青浦鑿宜興西洑之裏河水賴宣  
洩風波盜賊之  
患亦各寧息

附治水事實

吳江縣太湖諸口丈尺

牛毛墩即東湖湖水東北流由廟涇甘泉三江等塘二十里直達龐山湖入吳淞江今東湖盡淤成田止存三大河洩水其由南仁河入者為西水路由十家斷入者為江漕路

南仁河濶一百二十丈弘治九年定後濶二十三丈正德十三年定北折為西水路濶七丈長十八里至長

橋河又東北折為東水路濶二十三丈正德十三年定凡十八里至白龍甘泉三江等橋其附南仁洩水南倉等港凡十俱濶四五丈又附南激港濶五丈東出徹浦又附中激港濶九丈東出甘泉

江漕路濶一百二十丈弘治九年定北流至廟涇大浦廟涇港濶六丈東入葉澤湖嘉靖二十三年定大浦港濶七丈長三百丈嘉靖二十年定

八斤運河北段東西各長一百三十三丈南北濶九丈

南段東西長七百五十二丈南北濶一十九丈三尺  
白龍橋西二港各濶六七丈去縣治南十二里由東水  
路沈家港西洩太湖牛毛墩之水

徹浦橋港去縣治南九里西接東水路長五十丈東入  
尚湖濶十丈

甘泉橋西濶六十丈東入龐山湖濶六十六丈正德十  
三年定後南北長八十丈東西濶十八丈嘉靖二十  
三年定運河濶十三丈

按甘泉橋下有泉清激甘冽烹茗極佳最深處有龍窟焉河東有甘泉祠典祠龍神旱禱輒應波流湍汎舟過禱之諸橋洩水此為最要今上下淤塞日漲為田湖水南泛險移於八片浦之大浦矣

三山橋港濶四丈定海橋港濶十八丈萬頃橋港濶一十一丈仙槎橋港濶六丈俱嘉靖二十三年定

三江橋港去縣東南二里范蠡乘舟入三江口即此南段東西各濶三十四丈南北各長五百二十丈其北段東西各濶二十丈南北各長一百丈嘉靖二十三年定

按自三江橋至徽浦皆石橋為竇凡一百三十六  
為橋凡九自西而東一日三江二日仙槎塘折而  
東南三日萬頃四曰定海五日三山六曰甘泉七  
曰通津八曰龔家九曰徽浦皆西承太湖水流入  
龐山湖

觀瀾港濶一丈北入龐山湖

自牛毛墩至此為東南洩水第一要處

吳家港濶四十三丈弘治九年定後濶二十四丈正德  
十三年定西接太湖東流不半里北至長橋吳淞江  
入龐山湖今盡漲南湖皆為蕩分為三港一港東流

十里至甘泉濶亦如之一港東北流至長橋三汊口  
濶亦如之一港流為斜路八里至縣西門濶五丈俱  
正德十三年定內湖墓梅里石里八港俱四五丈

按此皆緊關要害宜多開河渠以洩湖勢者也

長橋河濶一百三十丈其南即湖今淤為田止有牛毛  
墩東西漕江等路并吳家港等處數漲數濬弘治四  
年濬還為湖嘉靖元年濬南至十字港即三汊口長  
一百九十九丈濶如舊北至顧公祠濶五十六丈嘉

靖二十三年濬南灘上段東長三百九十二丈西長二百四十九丈南濶一百三十四丈北濶一百丈下段垂虹亭基之東西各長八十四丈各濶七十八丈長橋之北養濟院東西長三百七十丈南濶九十一丈二尺北濶九十五丈養濟院至顧公祠東西各長四百一十丈南北濶三百一十丈自顧公祠至龐山湖口東西各長三百一十八丈濶一百一十五丈其唐家坊迤邐西北運河南北各長一百七十丈東西各



濶九十丈

自吳家港至此為東南洩水第二要處

市河三道一自西門至縣治前濶二丈三尺縣治前至東門濶二丈二尺一自利民橋即亭橋至小東門濶一丈二尺一自治安橋至小東水門濶一丈六尺俱洩水入吳淞江

平望運河長一百二十六丈濶狹不等

已上皆吳江縣治東南緊關水道

牛腰涇三分港各濶七丈五尺

七里港枕吳江縣治西門外南自流虹橋

即弔橋

過東濠

沿太湖而北凡七里內西受太湖之港凡三曰烏埠

港曰西渠曰大姚渠其東洩入吳淞江之港凡六曰

北城河曰南倉河曰北倉河曰南柳胥港北柳胥港

曰新港

瓜涇港濶二十五丈去吳江縣北九里東過古塘入長

洲縣界經縣河微折而南由夾浦橋東入吳淞江內

附柳胥潘奇王家滙港俱濶五六丈

按吳淞江上流南漸漲而為田  
去水惟瓜涇為遠故夾浦最險

鮎魚口濶一百三十丈去吳江縣治北十八里受太湖  
水北流滙為鰲塘又北過五龍橋入吳縣盤門運河  
循城而東出黃天蕩經清墅湖者入吳淞江經陳湖  
者則入澱湖三泖分注沙湖至和塘者入於婁江並  
入大海內有麪杖港濶八丈

綺川即莫舍淩濶一百三十丈去吳江縣治北二十里

南受太湖水北滙於楞伽山下為石湖

白羊灣去吳江縣治西二十里北注越來溪北行十里  
許出石湖其別支亦出莫舍淩

越來溪濶十丈

胥口去蘇城西南三十六里屬吳縣濶九丈出胥門大  
石灰橋

已上吳江縣治北緊關水道

按新漲阻塞水利講求修浚者自古以迄今則其  
為害也無疑矣然利害所關不在上流則在下流

而古今又不相沿湖州一郡在吳江上游水源之所由來也下流一阻上流為潦勢所必然此疏浚之說不容不講者夫百畝之田多分河港且猶為利而況利在吳江旁及鄰郡者乎浚吳江利在湖州然則吳江之利何求亦曰浚華上崑嘉云爾此上流下流之別也

## 元大德八年

都水監開江丈尺

附

吳淞江東南黃浦口起至大盈浦口止一萬五千

一百丈

大盈浦口起至永懷寺東止一千六百丈

永懷寺東起至趙屯浦口止一千五百丈

趙屯浦口起至陸家浜止二千三百五十丈

陸家浜起至千墩浦口新洋江止一千六百丈

通計長二萬二千一百五十丈

廣二十五丈

深一丈五尺

明

崔都御史開江丈尺

大盈浦東至吳淞江巡檢司二萬二千丈

新涇西南蒲匯塘入江四千丈

曹家溝平地開至新場長三萬丈廣十四丈深二

丈

萬厯五年

開築河堤丈尺

蘇州府

太倉州

大河幹河

七浦塘長七千九百三十四丈

楊林河長九千六百九十六丈五尺

鹽鐵河長六千六百一十八丈五尺

吳塘二段共長一千二百七十五丈

顧浦長一千九十四丈

至和塘長一千五百一十丈二尺

石婆河長二千九百六十三丈



潞漕塘長二千一十三丈

杜漕塘二段共長一千二百八十一丈

洪泗浦長二千七百三十丈

青魚涇長一百八十六丈

支河溝洫三百四十條段共長二十五萬五

千三百三丈

官塘圩岝八十五條段共長七萬六千五百

七十丈

閘壩水關共三座

七浦石閘一座

七浦塘壩一座

東門水關一座

長洲縣

大河

閘門運河三段共長一千四百六十丈

葑門運河三段共長一百六十丈

婁門運河三段共長一千八百丈

齊門運河三段共長六百一十丈

支河溝洫一百五十八條共長六萬六千六百二十九丈一尺

官塘圩堰二千八十五條共長二百七十二萬一千四百一十三丈有奇

橋梁四十二座

吳縣

大河幹河

盤門外運河長三百一十五丈

閘門外運河長二百三十三丈

興福塘長三千四百丈

採蓮涇長一千二百六十丈

里墅河長三百二丈

魯都涇長四千八百丈

走馬塘長一千八百八十五丈

支河溝洫池塘二百二十八條共長七萬八  
百四十九丈四尺有奇

官塘圩岸三百二條共長三十七萬二千九  
百八十丈三尺有奇

橋梁二座

吳江縣

大河

三江橋運河四段共長一千二百四十丈

吳家港河長一百三十丈

長橋南北灘河長九百九十四丈八尺

龐山湖河長三百八十丈

平望賽安橋運河長三十丈

大浦橋北運河長一百丈

石莊頭運河長三百丈

周家莊運河長一百二十丈

平望長洲運河三段共長一千丈

支河四十五條共長一萬六百丈

官塘圩岸六百七條共長二十一萬七千三百二十一丈

常熟縣

大河幹河

耿涇塘長七千一百七十丈

白茆塘長八千一百四十六丈

三丈浦長四千一百四十丈

福山塘長五千三百七十九丈

許浦塘長二千三百三十丈

橫塘長一千七百八十二丈

支河三十一條共長四萬二千二十六丈五  
尺

官塘圩岸四百八十二條共長一百一十一  
萬一千三百四丈三尺

橋梁九座



崑山縣

大河幹河

至和塘運河長二千一百六十七丈

吳淞江長五千四百一十七丈七尺

大瓦浦長五千一百一十丈五尺

顧浦長六百六十六丈

夏駕浦長二千四百五十丈

澱山湖口千墩浦長四百二十五丈二尺

小虞浦長二千六百五十丈

斜港河長二千一百五十六丈

至和塘長八百三十一丈

踰開河長三百一十九丈

杜痴港長五十丈五尺

陸涇長一百丈

陸虞浦長三千六百五十五丈

注浦長三千二百八十丈

西宿河長二千六百三十丈

鷄鳴塘長一千八百丈

坵墟河長五百四十九丈

錢涇河長五百四十丈

漢浦塘長三千一百四丈

支河五十七條共長三萬三千三百四十一

丈七尺

官塘圩岸九百八十五條共長五十二萬五

千八百六十八丈二尺

石閘二座

千墩浦口閘一座

夏駕河口閘一座

橋梁一十八座

嘉定縣

大河幹河

顧浦長五千四百二十一丈

吳塘長五千三百五十七丈五尺

西練祁運河長二千三百丈

濬浦河長二千九百六十五丈

華亭涇長三千六百九十四丈

南翔市河長一千丈

虬江二段共長一千五百五十二丈

青岡橫瀝二段共長三千三百丈

彭越浦長二千四百七十二丈

南鹽鐵長四千七百九十三丈

北橫瀝長四千七十九丈

西運幹河長三千六百二十五丈

錢涇長七百八十丈

蟠龍塘長二千一百八十四丈

鷄鳴塘長三千七百五十丈

漳浦長三千九百七十一丈

新涇長二千丈

東西馬路塘長二千一百六十二丈五尺

孫浜長三千九百八十四丈

東馬路河長四千九百五十丈

項涇長二千四百丈

走馬塘長五千八百五十丈

徐公浦長四千四百三十五丈

蘆草浜長一千八百丈

沙洪蘆涇二條共長四千一百二十六丈

支河溝洫一百二十七條共長八萬一千一

百七十七丈七尺

圩岸一百二十八條共長二萬九千六百六

十二丈四尺

崇明縣

大河

嚮沙楊圭狀中段大河長六千一百七十

丈



支河溝洫二十條共長一萬四千四百七十  
八丈

海岸五十五條共長三萬七千七百三十丈

松江府

華亭縣

大河幹河

秀州塘長二千七百七十六丈

南北草塗長一千八十丈

蒲匯塘長二千六百六十五丈

鹽鐵塘長一千八十丈

金山港張涇三叉河長一千四百八十六

丈

官紹塘長一千三百九十丈八尺

金匯塘長三千七百三十八丈

東運鹽河長一千三百四十四丈

沙岡河長三千二百四十八丈

蕭塘河長七千三百丈

長浜長二百五十丈

大溝河長一百八十丈

上橫涇長七百三十丈

下橫涇長七百八丈

又上橫涇長九百二十六丈

北沽浜長九百七十八丈

陸磊塘長四千八百二十四丈

陶行橋西門河長三百四十一丈

楊巷鎮河長一百一十八丈

中段蒲匯菖蒲河長二百七十五丈

北段菖蒲浜長一百三十丈

新涇河長一千五百一丈

譚界涇長三百八十丈

張宅河長三百八十丈

小鹽鐵塘長七百六十四丈

黃動浜長四百八丈

楊涇長八百丈

葉涇河長九百三丈

莊家行河長四百一十五丈

吳塘長六百丈

停林鎮市河長六百四十丈

南橫瀝長一千二百丈

南橋塘長四百一十五丈

蟠龍塘長九百八十丈

連界青浦縣蟠龍塘長二百七十五丈

通坡塘長二百六十五丈

竹岡河長二千三百六十丈

支河五十八條共長三萬二千五百七十四

丈四尺

官塘圩岸堰壩三百五條共長一十四萬八

千三百八十丈九尺

橋梁七座

上海縣

大河幹河

蒲匯塘三段共長二千四百五十丈

竹岡河長二千五十四丈

周浦塘長三千一百七十九丈

望海塘長一千三百五十丈

陸磊塘長四千一百七十八丈

三竈港長三千四百六十丈

內外橫港二段長六千一百五十五丈

四竈港長三千六百六十丈

鹽鐵塘二段長三千九百三十五丈

都臺浦中段長二千九百八十七丈

嚴茂塘長二千七百六十丈

馬家浜二條長二千二百三十七丈

新羅瀝長二百四十丈



二竈港長三千四百八十丈

肇嘉浜城內河長五百三十一丈

城外肇嘉浜長一百一十丈

新港西門河長二千六百一十三丈

沙洪河長一千五百七十七丈五尺

莊家涇長二千三百四十丈

東郭浦長七百八十丈

西郭浦長一千二百九十二丈

都臺浦中流長三千八百三十五丈

侯家浜長二百七十五丈

八竈港長四千九百五十丈

走馬塘長一千八百丈

沙塗港長三百五十丈

支河溝洫十五條共長三萬三千五丈

橋梁四座

石閘一座

薛家浜石閘

青浦縣

大河幹河

吳淞江長九百丈

大小山涇港長一千一百二丈

顧浦長一百九十四丈

浦江長七百三十丈

城濠長一百八十二丈四尺

尤秀涇長五千九百八十二丈

孔宅涇長一千二百丈

橫塘河長七百三十七丈五尺

蟠龍塘長三千九百四十八丈三尺

橫泖長一千八百九十三丈

澱山湖口長九十六丈

支河三十三條共長一萬七千二百一十五

丈七尺

圩岸五百六十九條共長三十七萬八百一十一丈五尺

常州府

武進縣

大河

孟瀆河長七千四百九十丈

白鶴溪河長二千八十九丈

太平河長二千二百一十丈

舜河二段共長二千七百三丈

東倉運河長一千八十丈

奔牛閘旁運河二段共長一百三十五丈

五尺

青絲港長三百二十丈

錢塘河長一千三十丈

興隆河長一千二百五十丈

橫溝河長七百一十六丈

吳涇長一千二百丈

徐洪港長一千五百七十丈

漕溝支河長三千二百丈

安寧河長三千七百八十八丈

延壽河長一千九百五十丈

剩銀河長二千四百八十一丈

養濟河長一千六百丈

通濟河長一千六百丈

利大河長三千七百丈

小深河長二千七十丈

塘口河長一千九百五十四丈

西河洞河長九百七十七丈

北洞子河長一百丈

北順塘河長一千九百二十丈

老鶴嘴河長八百五十丈

支河溝洫池塘五百三十二條共長九萬三



千四百四十四丈一尺

官塘圩岸二百八十八條共長一十六萬四千七百一十丈六尺

閘八座

奔牛萬緣橋石閘一座

甘家壩石閘一座

奔牛石閘一座

梅思壩石閘一座

雙廟壩石閘一座

大運河木閘一座

黃天蕩蘆埭港沈河口石閘二座

橋梁十一座

無錫縣

大河

南門吊橋運河長七百五十丈

大市橋河長一百七十丈

察亭河長二百五十丈

廟蕩河長三百丈

南塘河長一千五丈

城市河長一千五十丈

嚴埭河長一千三百丈

花渡河長七百丈

石灰橋河長二百五十丈

李富涇河長五百五十丈

支河三十九條共長二萬一千九百七十六丈

官塘圩岸三百六十六條共長七萬五千九百四十一丈九尺有奇

閘壩九座

五牧運河木閘一座

爛港壩長一十三丈

鴻塘尖壩長一十丈

金城港壩長一十丈

西葑壩長一十丈

楚家壩長八丈

徐瀆壩長二十三丈

東壩長二十四丈五尺

余瀆壩長九丈

橋梁二十四座

江陰縣

大河幹河

舜河長一千九百三十二丈五尺有奇

利港長四千三百二十丈

青陽運河長三千七百五十丈

順塘河長二千一十五丈

九里河長一千三百四十九丈

北橫河長六百丈

山塘河長一千九百五十六丈

東雷溝二段長九百六十丈

西雷溝二段長一千三百六十丈

桃花港長五千九百五十五丈

蘆埭港長二千七百八十二丈

支河八十九條共長三萬四千四百四十三

丈

圩岸一百六十二條共長六萬二千五百五

十七丈六尺

橋梁一十七座

閘六座

黃田閘一座

蔡涇閘一座

新涇閘一座

南北東三門外三淺閘

宜興縣

大河



西沈閃溪裏河長二千四百一十四丈五尺

支河溝洫一百五條共長九千八百九十二丈八尺

圩岸一千五百七十三條共長一十六萬一千一百四十六丈五尺

橋梁十座

壩閘一座

蔣敏公圩濠口壩閘

靖江縣

幹河

濶港河長一千五百五十一丈

孤山港河長一千五百七十丈

支河一百七條共長四萬六千六百一十四丈

圩岸一百七條共長一萬二千七百丈七尺

橋梁一座

鎮江府

丹徒縣

大河

運河凡四濬共長一萬七千二百六十五

丈七尺

黃堰河凡三濬共長二千八百二十五丈

鐵猫長一千二百二十丈

穿城大河長一千二百五十丈

支河溝洫一百二十條共長四萬九千三百

三十七丈七尺

官塘圩岸五十一條共長二萬一千八百四

十六丈

閘壩七座

南閘一座

京口閘一座

丹徒鎮木閘二座

新港閘一座

新豐鎮木閘一座

陳免壩一座

橋梁二座

丹陽縣

大河

運河凡四濬共長一萬二千六百八十七

丈五尺

白鶴溪凡二濬共長一萬四千四百五十

五丈

呂瀆河長二千六十丈五尺

支河溝塘三十一條共長二萬三千六百九

十三丈

圩岸湖埂二十四條共長五千八百五十三

丈

閘九座

永和門外橋閘一座

西閘一座

嘉山王家閘一座

練湖碇閘一座

呂城北河閘一座

呂城舊閘一座

練湖三閘

橋梁十四座

金壇縣

大河

運河凡三濬計長五十七里六千二百八十丈

陰風河長二十八里

支河三條共長一百八十里九百六十丈

溝塘四十一條共長七千八十九丈



圩岸一百四十四條共長九萬六千九十七

丈二尺

閘七座

低莊閘一座

小墟閘一座

橫塘閘一座

建昌圩石閘一座

七里橋閘一座

前關岸閘一座

大蕩石閘一座

橋梁二座



三吳水考卷十五